


108 / 3
1902

ს.ვ. /

აკრილი, № IV, 1902 წელი.

მთბფსური

=====
წელიწადი მეორე.
=====



თბილისი

სტამბა გაზეთ „ტფილისის ფურცლისა“ და ექვ. ივ. ხელაძისა, ლორ. მეღ.

1902

შინაარსი № 4:

| | |
|--|-------|
| | 839რ. |
| 1. პირველ-ყოფილი ადამიანის გონებრივი მდგომარეობა, ბ. კ.—ისა | 215. |
| 2. მთიულთ ცხოვრებიდამ, ე. გუგუშვილისა | 230. |
| 3. კლარჯეთის აღწერა, ზ. ქ.—ძისა | 245. |
| 4. ქართლისა და კახეთის სამეფოების პოლიტიკური მდგომარეობა, ალ. ტატუნაშვილისა. | 257. |
| 5. საქართველოს საეკლესიო ისტორია, ილ. ფერაძისა. | 264. |

წასული წლის „მოზნაურის“ ეველ ნომრები, კანგის
ედიო დ წანწერიო დიკს კაგზანოთ სამი მანეთი.



აპრილი, № 4, 1902 წელი

მ ო გ ზ ა უ რ ი

ისტორიულ — არქეოლოგიური და გეო —
გრაფიკულ-ეტნოგრაფიული სურათებიანი
ჟურნალი, გამოვა ყოველის თვის პირველ რიცხვებში.

ფასი ჟურნალისა გაგზავნათ:

წლით — ხუთი მანეთი, ნახევარ წლით — სამი მანეთი.


ფული და წერილები უნდა გამოიგზავნოს: *Въ Тифлисѣ, въ Редакцію „МОГЗАУРИ“.*

თბილისში ხელის მოწერა მიიღება წერა-კითხვის გამავრცელებელის საზოგადოების მაღაზიაში შიო ქუჩუკაშვილთან, ძმათა იმედაშვილების წიგნის მაღაზია, „ნდობის“ წიგნის მაღაზიაში (ქვაშეთის გიორგის ქუჩაზე), დავით გაბრუაშვილთან „პურ-ღვინოს“ გვერდზედ და თვითონ რედაქტორთან (მამა დავითის მეიდანზე, სახლი № 20).

ხელის მომწერთა საშუალებოდ:

„მოგზაურის“ ყოველ ხელის-მომწერს აქვს უფლება დაბეჭდოს ამ ჟურნალში უფასოდ ყოველ-გვარი განცხადება, არა უმეტეს ხასკვარის გვერდისა.

რედაქტორ-გამომცემელი ი. პ. როსტომაშვილი.



თბილისი

სტამბა ექ. ივ. ხელაძის, ლორის-მელიქოვის ქუჩა, № 28.

1902

Дозволено цензурою. Тифлиси, 8-го Марта, 1902 года.

18

1891

პირველ-ყოფილი ადამიანის გონებრივი მდგომარეობა.

(ზასოდისკი).

პირველ ყოფილი ადამიანის გონებრივი მდგომარეობა პირდაპირი შედეგი იყო მისი ფიზიკური ორგანიზაციისა. ფიზიკურად ძლიერი და ხასიათით მძვინვარე, გონებრივად სუსტი და უძლური, აი რა ჯურის ცხოველს წარმოადგენდა პირველ-ყოფილი ადამიანი. საკმელ-სასმელი, ტანისამოსი, საცხოვრებელი ბინა, ყველა ესენი რომ გავითვალისწინოთ, ჩვენ შევადგენთ დაახლოვებითს წარმოდგენას და აზრს პირველ-ყოფილ ადამიანის გონებრივ და ზნეობრივ განვითარებაზე. რომ უფრო ნათლად წარმოვიდგინოთ მისი დღევანდელი ინტელექტუალური, ანუ გონებრივი ფიზიონომია, უნდა განვიხილოთ დაბალ საფეხურზე მდგომ ველურების ცხოვრება, რომლებიც პირველ-ყოფილ ადამიანების ნიმუშებს წარმოადგენენ.

მეცნიერებამ განიხილა პირველ-ყოფილ ადამიანთა იარაღები, მათი სახლის მოწყობილობა, მათი ყოფა-ცხოვრება და იმ დასკვნამდე მივიდა, რომ მათი გონებრივი და ზნეობრივი მდგომარეობა ესაბამება მათ ღარიბ ალებ-მიცემას, ინდუსტრიას.

დღევანდელ ველურებში ბევრი არიან ისეთები, რომელთაც არავითარი წარმოდგენა არა აქვთ სარწმუნოებაზე; არ იციან, თუ რა არის სარწმუნოებრივი გრძნობა, ღვთაება,

ღმერთი. კანადის, ბრაზილიის და პარაგვაის მცხოვრებლების, კაჯურების, გოტენტოტების და ტასმანიელთა ენაზე არ არსებობს სიტყვა „ღმერთი“, „შექმნა“. ნათის აზრით, ყველაფერი თავის ნებით და თავის-თავად გაჩნდა ქვეყანაზე. მითური ანუ ზღაპრული გარდმოცემით პირველ ადამიანის დასაწყისი იყო სიზმარი. „არაფერი არ იყო, — ამბობს ერთი ინდოეთელი მოხუცი, — ყოველგან სიცალიერე, ყოველგან უფსკრული, არც მიწა იყო და არც ცა, არც ხმელეთი და არც ზღვა. უცებ გაჩნდა შვიდი მხედარი, რომლებიც მშვიდობიანობის ყალიონს ეწეოდნენ, ქალები კი მუშაობდნენ თავიანთ ქოხებშიო“. ეს არის და ეს. არც ერთი სიტყვა ღვთაებაზე, არც ერთი სიტყვა ღმერთზე. „პირველად კაცობრიობის ცხოვრება იყო უგრძობელი და შეუხამებელი“, — ამბობს რეკლე.

როგორც დღეს მრავალ ველურებს, ისე პირველ-ყოფილ ადამიანს არავითარი წარმოდგენა არა ჰქონია სულზე. ბეკერმა ლატუკაში მგზავრობის დროს განიზრახა ნეგრების ერთ წინამძღოლისთვის შთაეგონებინა საიქიოს ცხოვრებაზე წარმოდგენა, მაგრამ მისმა ცდამ და სურვილებმა ამაოდ ჩაიარეს. — „ნუ თუ შესაძლებელია მკვდარი საფლავიდან აღსდგეს, უკეთუ ჩვენ მას მიწიდან არ ამოვთხრით?“ — უბასუხა წინამძღოლმა.

ბიუხნერსაც ხშირად მიუმართავს ასეთი კითხვებით ბანტოს ნეგრებისთვის, მაგრამ ყოველთვის ერთ და იმავე პასუხს ღებულობდა: „როცა მოკვდებით სულის-თქმა შეჩერდება, დაგვმარხვენ, ბოლოს მატლები დაგვესევნიან და შეგვკამენო“. კუინდლენდის მკვიდრთ არავითარი წარმოდგენა არა აქვთ არც ღვთაებაზე, არც შემოქმედზე, არც ქვეყნის გამგეზე; არა აქვთ საგანი, რომცლსაც თაყვანი სცენ. მათთვის არ არსებობენ არც კერპებო და მსხვერპლის შეწირვა, არც ეკლესია და მონასტრები. მეორე მოგზაური, ბეკი, ამბობს: „არაფურებს არავითარი სარწმუნოება არა აქვთო. ერთხელ

ზარველ-ყოფილა ადამიანს განებრაჲი მდგომარეობა. 217

შევეკითხე მათ: „ვის მიმართავთ ხოლმე საშველად, როცა თქვენს ხომალდს, ან ნავს ზღვაში დაღუპვა მოეღოს?“ მათმა უფროსმა გვიპასუხა, რომ მათ არ იციან განსაცდელის დროს ვის მიმართონ, სასურველი კია ვიცოდეთ და თუ თქვენ იცით გვასწავლეთო“. კალიფორნიის მცხოვრებლები არავითარ ღვაებას არ სცემენ თაყვანს. „მე ვსცდილობდი—ამბობს მისიონერი ბეგერტი,—ამეხსნა მათთვის, თუ რა არის ღმერთი, სული, საიქიო და სააქაო. ყოველი ღონე ვიხმარე, მაგრამ არა გამოვიდა-რა“. მათ ენაზე არ არსებობს სიტყვა „სული“, „ღმერთი“. ამერიკაში სცხოვრობს ხალხი, რომელიც მოკლებულია სულზე და უმაღლეს ქმნილებაზე წარმოდგენას. მოგზაურნი, მეცნიერნი, კათოლიკეთა მღვდლები, პროტესტანტთა მისიონერები, ყველანი იმ აზრის არიან, რომ არიან ისეთი ხალხნი, რომელთაც სრულებით არა აქვთ სარწმუნოება. ეს აზრი მით უფრო დასაჯერებელია, მით უფრო სარწმუნოა, რამდენადაც მის შედგენაში არ ურევიათ რაიმე წინასწარ განზრახული მიზნით დანიტერესებული პირები.

რა თქმა უნდა, პირველ-ყოფილ ადამიანს არავითარი წარმოდგენა არ ჰქონდა სარწმუნოებაზე და არც შეეძლო ჰქონებოდა. ველურის პირველი სარწმუნოებრივი შემეცნება წარმოსდგება შიშისაგან, შეუძლებლობისაგან. ველურს ეშინოდა, შიშის ჟრუანტელს ჰგვრიდა ყოველივე ის, რასაც შეეძლო ვნება, ან სიკვდილი მიეყენებინა მისთვის.

ველურს ეშინია ვეშაპის, რომელიც, მისი აზრით, მთელს კაცობრიობას შთანთქმავს უქადის და ველურიც თაყვანს სცემს მას, გუნდრუკს უკმევს და მუხლ-მოდრეკით მსხვერპლს სწირავს. ადამიანი სცდილობს მაზე ძლიერი დაამშვიდოს, დააწყნაროს. სხვა გზა მისთვის არ არსებობს. როცა ის აღიჭურვება სხვა-და-სხვა იარაღებით ვეშაპთან; ან სხვა რომელიმე ნადირთან საბრძოლველად, მაშინ სცდილობს შეებრძოლოს და სძლიოს მას. ცხადია: ადამიანი საშინაო ნადირთ თაყვანს სცემს მანამდე, სანამ ეს უკანასკნელი არ დაჭკარვეს მის

თვალში თავიანთ ძლიერებას. ბრამინები, მაგ., თავიანთ სცემენ სათვალეებიან გველს.

ბუნების საოცარი და მრისხანე მოვლენანი შიშის ჟრუანტელს ჰგვრიან ველურს. ის ძალა-უნებურად ემორჩილება ამ ძალის ზეგავლენას და მუხლს იღრეკს მის წინაშე, და მით აშკარად ხატავს თავის უძლურებას და სისუსტეს. როცა ველური ხედავს ელვას, ყურს უგდებს ქექა-ქუხილს, რომელიც ძირიანათ სთხრის ვეებერთელა ხეებს და სიცოცხლეს უსპობს ადამიანებს, როცა ის ხედავს, თუ რას ჩადის ქარიშხალი ზღვაზე და ხმელეთზე,—ის თრთის, მუხლს იღრეკს უხილავი ძალის წინაშე, სცდილობს დაამშვიდოს ის. აქედგან ადვილი წარმოსადგენია, თუ რისთვის ჰყავთ მაგ. იერუბოებს ქექა-ქუხილის ღმერთი, „შანგო“, რომელიც გზავნის დედამიწაზე მებს. სლოვიანთა ერები დიდის ვაი-ვაგლახით მოშორდნენ თავიანთ ღმერთს „პერუნს“. რუსეთის ზოგიერთ ჩრდილო-აღმოსავლეთ ნაწილებში დიდი ხანი არ არის რაც გავრცელებული იყო, ვითომც ელვასთან ერთად ქვესკნელში ძვრებიან ეშმაკები. ამ გვარ ცრუ-მორწმუნეობას დღესაც ვხედავთ ჩვენში: ელვის დროს მდაბიო ხალხი პირჯვარს იწერს და „დასწყევლოს ღმერთმა ეშმაკიო“, გაიძახის. ალბად ხალხს დღესაც აქვს ის წარმოდგენა, რომ ელვა ეშმაკისაგან ჩნდება და ვითომც მანვე სულებს გზას უნათებდეს. როცა მეხი გავარდება, უსათუოთ ეშმაკს დაეცემაო, ასე სჯიან სოფლის „ასტრონომები“. ჩვენში არის პოეტური რწმუნება, ვითომც ქუხილს „ილია“ აჩენდეს, როცა ის ეტლით დასეირნობს ღრუბლებში ხმაურობა ისმის და ეს ხმაურობა ქუხილიაო.

საზოგადოდ, ველური ძრწის მისი გონებისთვის მიუწდომელ მოვლენის წინაშე, რომლისგანაც ის განსაცდელს ელის. ყოველივე ასეთ მოვლენის წინაშე ველური გრძნობს თავის არარაობას და პირქვე ემხობა. ამ შიშმა, თავის არარაობის და უღონობის წარმოდგენამ წარმოშობა ბუნებრივი

სურვილი იზოგოს ველურმა სადმე ღამცველი, გაჭირების და ხ-
ფათის დროს დამსხვავი. ამ გვარად წარმოდგენენ ღმერთები,
თილისმები, მსხვერპლები, რომლებიც დაედვენ საფუძვლად
სარწმუნოებას და მის დაბალ ფორმას—ფეტიშიზმს. არ შეი-
ძლება სარწმუნოება დავარქვათ იმას, რაიც პირდაპირი ნა-
ყოფია შიშის და მისგან წარმომდგარი მოსახრების.

ველური მადლობას სწირავს ქარს, რომ მან თევზაობის
დროს მას ხელი არ შეუშალა, მადლობას უძღვნის ზღვას,
რომელმაც ის არ შთანთქა და ხელი შეუწყო მის ცხოვრე-
ბას; ის თაყვანს სცემს ცას თავის დროზე წვიმის გამოგზავ-
ნისთვის; ეთაყვანება მზეს, რომელიც უნათებს და ათბობს
მას და მთვარეს, რადგანც მზის ჩასვლის შემდეგ ის არის
მისი გზის მაჩვენებელი. ამისდა გვართ მეორე წყარო სარ-
წმუნოებრივ გრძნობისა უნდა ვეძიოთ მადლობის გამოცხადე-
ბაში. გოტენტოტები ახლაც თაყვანს სცემენ მთვარეს *).

განვითარების მაღალ საფეხურზე მდგარი ველურები
თან-და-თან უახლოვდებიან სარწმუნოებრივ შეხედულობას.
ზოგიერთი ველურები ცას მამას ეძახიან და მიწას—დედას **).
აფრიკის ნეგრების უმთავრესი ღმერთი არის ცა, რომელიც
უგზავნის მათ დილის ნამს. ველურის თვალთა-ხედვის ისარი
თან-და-თან ვითარდება; მას ებადება თავში წარმოდგენა ქვე-
ყნის შექმნაზე, საიქიოზე და სულზე. ზუღუესები დიდის პა-
ტივის-ცემით და თავაზიანობით იხსენიებენ მოხუცს უნკუ-
ლუნკეროს, რომელმაც შექმნა ქვეყანა. ბრაზილიის ხალხთა
შორის ერთი თქმულებაა: „თამიდელი“ სცხოვრობდა მათ
შორის, რომელმაც ასწავლა მათ მიწის მუშაობა და მერე

*) ჩვენშიაც ამბობენ: „ჩემმა მზემ“, „მზის მადლმა“, რაიცა
ამტკიცებს, რომ ქართველებაც ერთ დროს თაყვანს სცემდა მზეს.

***) სიტყვა „დედა მიწა“ ამტკიცებს, რომ ჩვენც ოდესმე მი-
წას დედას ვუწოდებდით, რადგანც ველურები, რაც იმის მომასწა-
ვებელია, რომ ჩვენც გავვიფლია ველურების ხანა. კ. ბ.

ავიდა ცხე, სადაც ღებულობს ის სიკვდილის შემდეგ აღამიანთა სულებს. ინდოელებს და მონგოლებს აქეთ გარდმოცემა, რომელიც ჩვენებურს წარღვნის ისტორიას წააგავს. „საშიშარი წარღვნის დროს ყველა სულდგმული ერთ ღღეს დაიხოცა, დაიხრჩო. მარტო ერთი აღამიანი-ლა გადარჩა. ის ვეებართელა ნავით მიადგა ერთ მთას სოფლის მახლობლად და ავიდა ზედაო“. დაებადა თუ არა ველურს სულზე წარმოდგენა, მით დასაწყისი მიეცა სიზმრებს და გალიუტინაციებს. ველური დაწვა, ის ხედავს სიზმარში სხვა-და-სხვა აღამიანებს. იღვიძებს; მას ვერ წარმოუდგენია, რომ ყველაფერი ეს სიზმარია; ის დარწმუნებულია, რომ მან ცხადად ნახა თავისი ნაცნობები, რომლებიც დიდი ხანია გარდაცვლილიყვნენ. მაგრამ, როცა დარწმუნდა, რომ ის ისევ თავის ლოგინში წევს, თავის ქერ-ქვეშ არის,—იმ დასკვნამდე მიდის, რომ შეიძლება, თავის „მე“-მ (სული, აჩრდილი) დასტოვოს სხეული და ნახოს და გაიგონოს ყველაფერი, რის დანახვაც და გაგონებაც შეუძლია მღვიძარე აღამიანს.

ველურს ნათესავი მოუკვდა; ის დამარხა, მაგრამ სიზმარში მაინც ხედავს მას—ერთად მუსაიფობენ, ბაასობენ. ყველა ამავების შემდეგ ველური იმ დასკვნამდე მიდის, რომ აღამიანი სიკვდილის შემდეგ მთლად არ ქრება, ის აოგჯრდაც სცხოვრობს სადაც საიდუმლოებით მოცულს კუთხეში, თუმცა მისი გახრწნილი გვამი კარგა ხანია მიწაში გღია ან და კოცონზე დაიწვა.

ამ თან-და-თანობითი გზით შეადგინა პირველ-ყოფილ აღამიანმა სარწმუნოების შესახებ თავისი აზრი. განსაცდელის წინაშე თრთოდა და კანკალი, უზომო შიში და მუხლის დრეკა უხილავ ძალთა წინაშე, ბუნების ბრწყინვალე და ნაზ მოვლენის წინ სიამოვნების გრძნობა და სულის სიმშვიდე,— აი რა იყო უმთავრესი წყარო ველურის სარწმუნოებრივი გრძნობის გამომხატველი. პირველ-ყოფილ აღამიანს, როგორც

ბავშვს, შეეძლო გაერჩია ის, რასაც პირდაპირი გავლენა ჰქონდა მის გრძნობაზე.

ჰქუხს, სჭექს, უკუნეთ სიბნელეში ელვა თვალის მომჭრელ სინათლით ლაპლაპებს; ზღვა დელავს, საშინელი სისწრაფით ეხეთქება ნაპირებს; მიწა იძრა და მის გულიდგან ამოდის ცეცხლი და სხვა გადამდნარი ნივთიერება, ყველაფერი ეს ესმის პირველ-ყოფილ ადამიანს, ჰხედავს ყველაფერს ამას და შიშის ჟრუანტელი უვლის ტანში. ის ყველაფერს უხილავ ძალთა გავლენას აწერს. გათენდა. მშვენიერი დილაა. მზემ თავისი ბრწყინვალე სხივები უხვად მოჰვინა დედა-მიწას. მთელი ბუნება რაღაც თვალის წარმტაც სიმშვენიერეს წარმოადგენს. ველური დღეს დამშვიდებულია. ის უზომო სიხარულს და სულის სიმშვიდეს გრძნობს. და ამ გრძნობით გატაცებული აღტაცებით შესცქერის ცას, მზეს, რომელთაც დაამშვიდეს ის და გაუქრეს შიში და მწუხარება. მაგრამ ღმერთზე, საიქიოზე და ქვეყნის გაჩენაზე არა თუ არ ფიქრობდა პირველ-ყოფილი ადამიანი, არამედ არც კი შეეძლო მას ეფიქრა ამ განყენებულ საგნებზე. მისი აზრი, კრიტიკულ მსჯელობას მოკლებული, არ კმაროდა დაფიქრებულიყო მაზე, თუ სიდგან ამოდის და სად ჩადის მზე, მთვარე. ერთხელ პარკი შეეკითხა ნევრებს, რისთვის ღამე მზე არ ანა. თებსო; მას უპასუხეს, რომ ისინი ამაზე თავის დღეში არც კი დაფიქრებულან. ეს ფაქტი ნათლად გვისურათებს პირველ-ყოფილ ადამიანის გონებრივ მდგომარეობას.

ყველა ეს ანალოგიური (მსგავსებითი) გამოკვლევანი გვარწმუნებენ, რომ ველურის გონება ძლიერ განუვითარებელი და ჩლუნგია, რომ მას არ შეუძლია წარმოდგენა იქონიოს სულ უბრალო, მარტივ მოვლენაზედაც. ავსტრალიელებს, პაპუასებს, ბუშმენებს, ჰოტენტოტებს, წითელ-კანიანებს და სხ. არ შეუძლიან რამდენიმე ათეულის შემდეგ თვლა; აფრიკის აკას სრულიად წარმოდგენა არა აქვს რიცხვზე. ავსტრალიელები ვერ არჩევენ კენგურის (ძაღლის

მსგავსი ცხოველი) სახეს ადამიანის სახისაგან, ათი წუთის ლაპარაკი საშინლად ჰღალავს აღმოსავლეთ აფრიკის ნეგრებს. ბრაზილიის ინდოელებს არ მოეპოვებოდათ სიტყვა განყენებულ აზრის გამოსახატავად. ტანმანიელთა ენაზე არ არსებობს სიტყვა „ხე“, „ცხოველი“, „ფერი“. თუმცა ველურს შეუძლია ბუნდოვანად წარმოიდგინოს რაიც იგრძნო, მაგრამ მისი გონება იმდენად ჩლუნგია, რომ მას არ შეუძლია რომელიმე უცხო მოვლენას მიაპყრას ყურადღება, ასწონ-დასწონოს და გაარჩიოს იგი; არ შეუძლია წარმოდგენა შეადგინოს ისეთ მოვლენებზე, რომელთაც პირდაპირი გავლენა არა აქვთ მის გრძნობაზე და რაც გარეგნულად არ მოქმედობენ მასზე. ამ გვარი იყო პირველ-ყოფილის ადამიანის გონებრივი განვითარებაც. მისი ყოვლად უნიჭობა განყენებულ საგნებზე იმ წერტილამდეა მისული, სადაც მას არ შეუძლია დაუფიქრდეს და დაუკვირდეს წარსულს და მით გაითვალისწინოს მომავალი. აქედგან წარმოდგა პროგრესის და წარმატების ის ხელის შემშლელი მიზეზი, რომელიც იწყება კაცობრიობის სოციალურ განვითარების პირველ საფეხურზედვე. დღესაც არიან ველურები, რომლებსაც არავითარი წარმოდგენა არა აქვთ მომავალზე, თუმცა მათ განვითარებით საკმაოდ გაუსწრეს თავიანთ წინაპრებს. მაგ., კაფრებმა არ იციან, თუ რა ხილია ეკონომია, შენახვა, დაზოგვა, მომჭირნეობა. სიტყვა „ხვალ“ მხოლოდ სახელით არსებობს და, არავითარი პრაქტიკული მნიშვნელობა მას არა აქვს. რომ მომავალ სარგებლობას გულ-გრილად უყურებს ინდიელი, ამისთვის საკმარისია წარმოვიდგინოთ შიმშილი, რომელსაც გამოსცდის ხოლმე ის, უკეთუ ნადირობამ ამაოდ ჩაიარა. ამ შემთხვევაში ინდიელი ნამდვილ ბავშურად იქცევა. ის განცხრომაშია დღეს, როცა აქვს, და მის გონებაში სრულიად არ არსებობს მომავალზე ფიქრი და მოსაზრება. მას სრულებით არ ახსოვს ხვალინდელი დღე. ჩრდილო ამერიკის ინდიელები—ამბობს ლიპერტი—სრულიად არ ფიქრობენ მომავალზე. ნადირობის

დროს ხოცვენ იმდენ ცხოველს, რომელსაც ვერ მოერვეიან. როცა უახლოვდებიან ფრინველთ ბუდეს, კვერცხებს სჭამენ და ბუდეს ანგრევენ“.

სიზარმაცით და სიძულვილით გამოწვეული გულ-გრილობა გზას უბნევდა პირველ-ყოფილ ადამიანს. მას არ შეეძლო გაერჩია ქვემარტება არა ქვემარტებისაგან; ის ემორჩილებოდა მხოლოდ თავის ცხოველურ ინსტიქტებს; ის მონაიყო თავის ვნებათა ღელვის და მის სუსტს გონებას არავითარი გავლენა არ ჰქონდა ამ ვნებათა ღელვაზე.

პირველ-ყოფილი ადამიანი ზნეობრივი მხრითაც ისე საცოდავი და სუსტი იყო, როგორც გონებრივი მხრით. დღევამტკიცებს, რომ ტასმანიელები მოკლებულნი არიან ყოველგვარ ზნეობრივს შეხედულობას. ეიროს სიტყვით, ავსტრალიელებს არავითარი შეემცნება არა აქვთ ქვემარტების შესახებ. თავის მოქმედებაში იმით ხელ-ამძღვანელობენ, თუ რამდენად ძლიერია, ან სუსტი მათი მოპირდაპირე. ბერტონის აზრით, აფრიკაში ყაჩაღობას და მტაცებლობას დიდი პატივი და მოწონება აქვს. ადამიანი იმდენად გმირია, რამდენად მეტი კაცი მოუკლავს. ადამიანს იმდენად მალლა აყენებენ, იმდენად პატივს სცემენ, რამდენად ის სისხლის მღვრელია. აფრიკის დასავლეთ ნაწილის ნეგრები მოკლებულნი არიან იმას, რასაც განათლებული ერი „სინიდის“ უწოდებს. სამხრეთ-ამერიკის ინდიელები მოკლებულნი არიან ზნეობრივ გრძნობას და მათ ენაზე არ არის არც ერთი სიტყვა, რომელიც ნიშნავდეს სინდისს, კანონიერებას, ქველ-მოქმედებას, უკანონობას, შეუბრალებლობას და სხ.

პირველ-ყოფილი ადამიანი იყო მძვინვარე და შეუბრალებელი, როგორც ნადირი. მის ცოტად თუ ბევრად, განვითარებულ გონებას არ შეეძლო შებრძოლებოდა თავის ცხოველურს ინსტიქტებს. „ველური ჯერ არ ასულა იმ სიმაღლემდე—ამბობს ტეილორი—რომელზედაც ჩვენს გონებას შეუძლია გაითვალისწინოს წარსული და მით წარმოდგენა

იქონიოს მომავალზე“. მისივე აზრით, რამდენადაც ღარიბია ველურის წარმოდგენა, იმდენად მისი მოქმედება ბოროტებითაა სავსე; რამდენად მას აკლია გამომატველობითი ნიჭი, იმდენად ის მხეცია და ბოროტი. დაბალ საფეხურზე მდგარ ადამიანებს იმდენად ნაკლები აქვთ წინ-დახედულობა, რომ მათ არ ძალუძთ გაუმკლავდნენ ვნებათა ღელვას; მათი ზნეობრივი სასწორი ჩქარა იშლება და ირღვევა. ველური შეუბრალებელია იმისთვის, რომ მან არ იცის სხვას ავნებს თუ არა ის, რაიც მას ვნებს. ველური წააგავს იმ ბავშვს, რომელიც სიცოცხლეს უსპობს პატარა ბარტყებს; ის ამ მოქმედებით სტკება და მხიარულობს. მას ვერ წარმოუდგენია ამ გვარ მოქმედებით იტანჯებიან თუ არა ფრინველები. ეს მშვენიერი მარგალიტები ინგლისელი მოაზრისა ნათლად გვიხატავს პირველ-ყოფილ ადამიანებს.

პირველ-ყოფილ ადამიანმა არ იცოდა ტანისამოსი; ის დედიშობილად დადიოდა; ხელში კეტით დაეხეტებოდა ტყე-ტყე, როგორც ნადირი; ეძებდა სასმელ-საჭმელს და ათევდა ღამეს მალაროებში, ფულუროებში. მართალია მას აზინებდა ბუნების საოცარი მოვლენა, ნადირი, ქვეწარმავალი, მაგრამ ის მეტს შიშს გრძნობდა თავის მსგავს ადამიანის შეხვედრის დროს. პირველ-ყოფილ ადამიანთა და ძაღლებს შორის უფრო მტკიცე დამოკიდებულება სუფევდა, ვიდრე სხვა-და-სხვა ადამიანთა შორის. როცა პირველ-ყოფილი ადამიანები შეხვედებოდნენ ერთმანეთს, მორთავდნენ რაღაც შემადრწუნებელ ხმაურობას, რომელიც ნადირთა ყვირილს წააგავდა. როცა ტყე-ღრეში ხეტიალის დროს ველური შეხვედებოდა ქალს, ის მხეცურად მივარდებოდა მას და ძალ-მომარეობით იკმაყოფილებდა თავის გიჟურ ვნებათა ღელვის მოთხოვნილებას. პირველ-ყოფილი დედა-კაცი ძალ-ღონით არ ჩამოუვარდებოდა მამა-კაცს. ორივე გაცხარებით იბრძოდნენ, კბენდნენ. და კაწვრიდნენ ერთმანეთს მანამდე, სანამ ერთი მხარე სრულეობით არ დამარცხდებოდა. ამ გვარი მოქმედება დღესაც არსე-

ბობს ზოგიერთ ველურებში. ფუკე თავის „შრომის ისტორიაში“ ამბობს: ნეგრები-მამაკაცები გაზაფხულზე, როცა აღეძრებათ სურვილი სქესებრივი მოთხოვნილების დაკმაყოფილებისა, ნადირობენ ხოლმე დედაკაცებზე“. ბორნოს და ახალ კალედონიის მკვიდრნი დღესაც დაწინაურებენ ტყე-ტყე, არა აქვთ საკუთარი ქონი, თავ-შესაფარი და ათევენ ღამეს ტყე-ღრეში. ვინც უფრო ძლიერი იყო, დედაკაციც იმას რჩებოდა. ამან გამოიწვია ის, რომ მამაკაცმა, როგორც ძლიერმა სუსტზე, გამოიჩინა თავისი ძლიერება დედაკაცზე და დაუმორჩილა ის თავის გულის თქმას, გაიხადა ის თავის საკუთრებათ, თავის ცოლათ, მონათ, მოშინაურებულ ცხოველად. ის შეიქმნა სრული ბატონი როგორც თავის ცოლის, ისე შეიღებისაც. ველურები ახლაც ისე ეპყრობიან თავიანთ ცოლებს, როგორც შინაურ ცხოველს. ავსტრალიაში უკანასკნელ დრომდე ძვირად (იშვიათად) მომკვდარა დედაკაცი ბუნებრივი სიკვდილით. მათ კლავდნენ და სჭამდნენ; ომიანობის დროს იტაცებდნენ, როგორც ნადავლ ნივთს.

თუ გავითვალისწინებთ დედაკაცების მდგომარეობას დღევანდელ ველურებს შორის, ჩვენ შეგვიძლია, როგორც სარკეში, დავინახოთ და გავარჩიოთ მისი მდგომარეობა. ოლფროდი ამბობს: მამაკაცები მათ (კარიბებს) შორის გაცილებით მეტია დედაკაცებზე, რის გამოც ბევრი მამაკაცი რჩება უცოლოდ და ვერ იკმაყოფილებს სქესებრივ მოთხოვნილებას.

როცა ველურები შეხედებიან დედაკაცს, მისცივიდებიან, ერთი თავში დაკვრით გონებას უკარგვენ, რის გამოც ქალი უგრძნობოთ ეცემა დედამიწაზე; ბოლოს აიღებენ და მიათრევენ დანიშნულ ბინაზე, სადაც უცდიან მის მოსულიერებას, მოცოცხლებას. როცა დედაკაცი გრძნობაზე მოდის, ის ძალა-უნებურად ნებდება მამაკაცებს და ხდება მათი მონა-მორჩილი. სიდნეის მკვიდრნი სრულიად უბრალოდ პოულობდნენ თავიანთ საცოლოებს. დედაკაცებს იტაცებდნენ მა-



შინ, როცა მათ არავინ ჰყავდათ დამცველი. ჯერ სცემდნენ თავში კეტს და გონება დაკარგულებს მიათრევდნენ ტყის მახლობლად. აქ უცდიდნენ მათ სხვა ველურები; მერე იწყებოდა ისეთი სურათი, რომლის თქმაც მეტად სამარცხენოა და საზიზღარი... ბალის კუნძულზე ახლაც არსებობს ქალეზის მოტაცება. ქალის დამონავება ველურებში გვაძლევს საკმაო საბუთს, თუ რა და ვინ იყო პირველ-ყოფილი დედაკაცი.

დედაკაცი, ჩრდილო-ამერიკის ინდიელთა შეხედულობით, მუდამ უნდა შრომობდეს და მუშაობდეს. ის ვალდებულია ზიდოს წყალი, მოუაროს ბავშვებს და გადასახლების დროს გადაიტანოს ყოველგვარი ხორაგეულობა და ქოხი თავისი მოწყობილობით.

ზოგიერთ ველურებს, მაგ., ბუმმენებს, ჩვეულებათ აქვთ შეაჩვიონ დედაკაცები საძნელო შრომას, რომ გათხოვების შემდეგ მზად იყვნენ თავის მოვალეობათა აღსასრულებლად. ასეთსავე ყოფილია წყნარ ოკეანეს კუნძულებზე დედაკაცები. გათენებისას მიემგზავრებიან: ზოგი ტყეში, ზოგი ზღვის პირად, აგროვებენ საღაფებს, კაკლებს, ზღვის ზღარბებს და ყველაფერი ეს მიაქვთ სახლში. მამაკაცები ყველა ამას შეექცევიან და დედაკაცებს კი მხოლოდ ნასუფრალს მიუგდებენ.

მანდვიგის მცხოვრებთათვის ქორწინება — ეს იგივე მონური ფორმაა. ცოლ-ქმარნი არას დროს არ გაეხუმრებიან და არ მიესაყვარლებიან ერთმანეთს. მოგზაურმა კალიემ ჰკითხა ერთხელ მანდვიგის მცხოვრებს ბაბას, რატომ, ერთხელაც არის არ მიესაყვარლება თავის ცოლს? ამაზედ მიიღო პასუხი: „მე რომ მაგრე მოვიქცე, ცოლი თავს აიშვებს, და ყოველ ჩემ ბრძანებაზე სიცილ-ხარხარით მიპასუხებსო.“

ინდოეთის ველურები ქორწინებას უყურებენ როგორც საშუალებას მათის ვნებათა დედვის დაკმაყოფილებისა. ავსტრალიის ახალგაზდობის თვალში დედაკაცებს იმდენად მეტი ფასი აქვთ, რამდენადაც კარგათ ასრულებენ მონის მოვალე-

ობას. როცა მას ჰკითხავ, თუ რათ იწუხებს ის ასე თავს ცოლის შერთვისათვის, - გიპასუხებს: ცოლი მოუტანს მას წყალს, შეშას, მოუვლის მის ქონებას და სხ. ავსტრალიაში ქალთა მდგომარეობა საცოდავ პირობებშია ჩაყენებული. სულ უბრალო შემთხვევა საკმარისია, რომ მამაკაცებმა ისინი ლაზათიანად მიბეგვონ. აქ იშვიათია ისეთი დედაკაცები, რომელსაც ქრილობებით ტანი არ ჰქონდეს დასახიჩრებული.

აიგონკონცების ენაზე არ არსებობს ზმნა, რომელიც სიყვარულს ხატავდეს. როცა მისიონერები თარგმნიდნენ მათ ენაზე დაბადებას (ბიბლიას), იძულებული იყვნენ ახალი ტერმინები გამოეგონათ. მიუხედავად იმ პირობებისა, რომლებშიაც დედაკაცები იმყოფებოდნენ, მათ სულიერ ორგანიზაციაში ნაკლებ სიველურეს და სიმხეცეს შეხვდებით, ვიდრე მამაკაცებში, ე. ი. დედაკაცები უფრო ადრე გააღმამიანდნენ. ეს ფაქტი მით აიხსნება, რომ ისინი (ქალები) არაერთად აქტიურ მონაწილეობას არ ღებულობდნენ ბუნებასთან და ნადირებთან საბრძოლველად. დედაკაცი მოკლებული იყო ყველა იმ პირობებს, რომელთა შემწევობით მამაკაცებმა განივითარეს თავის ცხოველური ინსტიქტები. დედაკაცის სიყვარული შეუღლებისადმი თან-და-თან ვითარდებოდა, არბილებდა და აფაქიზებდა მის ველურ ჩვეულებას და მით თან-და-თან შორდებოდა ის ცხოველურ ტიპს. ეს ფაქტი გვეუბნება, რომ მართლაც, ტანჯვა-წვალება ხრწნის და ათასხირობის იმას, ვისკენაც ის მიმართულია, მაგრამ მას უფრო მეტი გამრეყნელი და გამათასხირობელი გავლენა აქვს მასზე, ვისკენაც ეს (ტანჯვა-წვალება) მომდინარეობს.

რომ დაუფკვირდეთ დაბალ საფეხურზე მდგარ ველურების მდგომარეობას და მათ ცხოვრებას, იმ დასკვნამდე მივალთ, რომ პირველ-ყოფილი ადამიანი ნამდვილ მხეცს წარმოადგენდა, ყველაფერს ის ფიზიკურ ძალაზე ამყარებდა. იმონავებდა დედაკაცს, რომელიც მხოლოდ საგანი იყო თავის სურვილების დაკმაყოფილებისა; ჰკლავდა თავის მსგავს-

სავე ადამიანს და მის ხორცს დიდის სიამოვნებით შეექცეო-
და. საკმარისია გადავაგლოთ თვალი ლივინგსტონის, ბეკე-
რის, რაფაელის და სხვა მოგზაურთა მეცნიერულ ნაწარმო-
ებთ, რომ დავრწმუნდეთ შემდეგში: ველურები გონებრივი
და ზნეობრივი განვითარების მხრით არაფრით მაღლა არ
სდგანან მხეცებზე. მათ არა აქვთ წარმოდგენა სარწმუნოებ-
რივსა და ზნეობრივს მოვალეობაზე; მათ არ იციან არც
სიბრალული, არც მადლობის გამოცხადება, არც სიყვარული
და სირცხვილი, არც ნამუსი და პატიოსნება; მათ არა აქვთ
არაფრით წარმოდგენა სამართალსა და უსამართლობაზე.
ერთი სიტყვით, მათ ვერც ერთ ისეთს თვისებას ვერ უნახავთ,
რომელიც ჩვენ ბავშვობიდან გვაქვს თან დაყოლილი; არ
იციან რით განირჩევა ადამიანი მხეცისაგან.

გონებრივი სიჩლუნგე, სიმკაცრე და ეგოიზმი, ნამდვი-
ლი მხეცური ბოროტება და სიცბიერე, კანიბალიზმი (კაცის-
მკვამლობა)—აი რა გვარ თვისებებითაა ველურობა შემკული.
მართალია, დღევანდელი ველური პატივს სცემს თავის მო-
კეთეს, ნათესავს; კაცის მოკვლის სურვილი აღეძრება გარე-
შე ადამიანის მიმართ,—მაგრამ ყველაფერი ეს სხვაფრივ არ
აიხსნება, თუ არ იმით, რომ ადამიანი სცდილობს თავის თა-
ვი დაიცვას, მტერს ებრძოდოს, ეს ბიოლოგიური კანონია,
ეს მისი აუცილებლობაა, თუ ჰსურს თავი გადირჩინოს, თა-
ვისი არსებობა დაიცვას; სხვა გზა მისთვის არ არსებობს.
სრულიად ბუნებრივია, როცა საზოგადოება, თუ გინდ კაცის
მკვლევებისაგან შესდგებოდეს იგი, იცავს თავს, როცა თვი-
თეული სცდილობს არ გამოერჩიოს ამ საზოგადოებას; ისინი
(წევრები) იძულებულნი არიან ერთმანეთს მხარი მისცენ, თუ
უნდათ ცხოვრება ქვეყანაზე.

ამ გვარი საზოგადოებრივი გრძნობა პირველ-ყოფილ
ადამიანს არ ჰქონდა; ის მოკლებული იყო საზოგადოებრივ
ცხოვრებას, იმისთვის რომ განკერძოებულად სცხოვრობდა
და მხოლოდ თავის პირად ინტერესებს იცავდა. მართალია,

დღევანდელმა კულტურამ დიდი ნაბიჯი გადადგა წინ-მსვლელობისა და წარმატებისაკენ, მაგრამ მაინც არ შეგვიძლია ვსთქვათ, რომ ველურობის და მხეცობის ხანა მოისპო და არ არსებობს. ყველაფერი, რაიც კი თქმულა პირველ-ყოფილ ადამიანის შესახებ, საკმაო საბუთია იმისა, რომ ის თავისი ზნეობრივი და გონებრივი სიღატაკით დღესაც სცხოვრობს ჩვენს შორის.

ბ. პ.

III



მთიულთ ცხოვრებიდამ

(მგზავრის შენიშვნები *).

III

საზაფხულს სას-კუთხინი მიწით დახურული სახლი, რამქვსაც ხვე-
სურულად ეწოდება ჭერხო, აშენებულია რგვალი გაუთღული უბრალო
ხისკან. აქა სხედან შვიდი-რვა ხვესურნი, რამქვნიც ერთმანეთ
შორის მუსაითობენ სალდათების გაყვანის შესახებ.

ერთი ძათგანა. დიდის ღმერთის მადლმა ვოჟებო, თუ ხვესუ-
რები ბარჩი წალოდეს სალდათად, სულ დაიხოცების; ან
სად გეყავის ბარჩი გასაგზავნი კაცები, ჩვენ ჩვენის ყა-
რაულებით ჩვენი მთები ვერ გაგვიმაგრების; ახლა ჩვენ
ხალხ რო იქ გალალონ და ეს ურჯულოებმ შაიტყონა,
ჩვენ ხვესურეთში აღარ გვეცხოვრების, საქონს კი არა,
ჩვენ ღიაც-ყმაწვილთაც კი წაასხმენ.

იდუკა აწახული (წამოდგება და ეტყვის ხალხს): ძმობილნო ხვე-
სურნო, მარტო ვერე სიტყვით ლაპარაკი არ გამოგვა-
დგების, ჩვენ მოგვინდების თემის დაძახება, კარგად და
ქკვიანად მოლაპარაკება ამ საქმეზედ, გამოცდილი კა-
ცების ამორჩევა და გაგზავნა ჩვენ ბატონ-ბატონთან,
მუხრან-ბატონთან, რომ რჩევა მოგვცას.

ბედია. მე კიდევ ის გავიგე, ვაჟებო, რომ სალდათის გაყვა-
ნა მიდგომამზედ ყოფილა; ვისაც რუსული ატრატა (ქა-
ღალდი) უსწავლია, სალდათად სულაც აღარ მიჰყავთ.
თუ გავიგიათ, ერთი საწყალი ხვესური—არხოიტონ

*) იხ. მგზავური № 3.

კურდღელაი, რომელსაც ხევსურეთი კაცად არვინ აცდებს, აი იმის ვაჟებს გათარხნებას უპირებენ, რადგან რუსული ატრატა უსწავლიათ.

პუკუა დიკოკოლი. ეს კიდევ არაფერი. იმ კურდღელაის ვაჟი გაგა ძოდანის არხოტი მივიდოდა, სამოსი ჩაეცვა, ისეთი, როგორც ეცვათ შარშანდელ ჭიების მამებარ ფრანცუცებს, მას ჰქონდის ნაჩარიკის ბრძანება, რომელშიც ეწერის: გიორგი კურდღელი უთურგაულს ბეგრის ულაყი და მხლები მიართვითო. გამოდის, ვინც ატრატას ისწავლის, ის უნდა გახდეს ქვეყნის ბატონი, სხვები—იმისი ყმები. (ამ დროს მოულოდნელად ჭერხობი შემოვა ხევსური ანარკა ჭინჭარაული, რომელსაც თან შემოჰყვება ზირიქითელი თუში ნებიერ ლეკაძე—შესანიშნავი მოსული ვაჟკაცი, შეიარაღებული თუშურად, მხარზედ აქვს გადაკიდებული ძირფასი ურამის თოფი, ქართულ ხმალებად აქვს ტუმლაკი, გული გაჭედელი ჯვარ-მენდლებით, ე. ი. ერთი ოქროს ჯვარი, ორი ვერცხლისა და დანარჩენი მენდლები. სტუმრებს ხევსურება ჩვეულებისამებრ ფესხედ აუდგებიან და შემდეგი საღამით მიჰმართავენ უკუღანი ერთხმით): გამარჯვებით ვაჟებო!

ანარკა ჭინჭარ. კარგათ ხართა, ვაჟებო, დიაც-ყმაწვილით, საქონით. ყმაწვილებ ხო არ გიტირისთ, საქონს ხო არ გიშვიისთა?

ხევსურები. (უზასუხებენ) მტერიც ნუ მოგერვეისთ, რაის გეკითხებით ჩვენი ამბავი? გვიდგანა მწარენ სულნი.

იდუკა ანაბ. აპარეკავ, საითგან მობრძანდი, უსაქმოდ არ გაირჯებოდდი?

ანარკა. მე დავეცებ ჩარჩ-ვართანა სომეხს, ხო არსად გინახვისთ?

იდუკა ანაბ. ჩარჩ-ვართანა ეხლა აქ დადიოდა სოფელიჩი. რაისთვის გინდების, აპარეკავ, ვართანა სომეხი, რა საქმე გაქვის? ერბო ხო არ გაქვის გასაყიდი?

აწარქვა. არა, თეთრ მინდების ვისესხო მისგან, უნდა ამ თუშს მივსცა ვალჩი.

იდუქა. ეგ რაის ვალია, რისა დაგდებია მაგ თუშის თეთრი?

აწარქვა. ეს ის ვალიასავ, ძოდანის რომ ქისტებმ ულაყებ შემიჭამეს, ეს თუშ გავგზავნე ქისტეთი, წაართვა ურჯულოებს სამაგიერო ულაყი, მაგრამ ჩემი ულაყის ძებნის ღროს თავისი ულაყი მაჰპარეს და ეხლა უნდა ვართანასაგან ვისესხო თეთრი და ამ თუშს თავისი ზარალი და გასამრჯელო მივსცა.

ხეგსურნა. მეზობელო თუშო, თქვენში რა ამბავი გაიგონების, ხომ კარგად ხართ ჩვენი თანამოდმე მეზობელი თუშები ან კაცის, ან საქონის ზარალი ხო არ არის?

თუში. ამბავი ჩვენში, ძმანო ხეესურნო, არ არის საკითხავი.

ხეგსურება (გაგვირგებთ). ისეთი რა ამბავი მოხდა თქვენში?

თუში. ჰეი, ძმანო, ღმერთმა დაიფაროს სხვაგან, რაც ჩვენში ამბავი მოხდა. (ხეგსურები უველანი სთხოვენ თუშს ამ სამწუხარა ამბის ასხნას).

თუში. ძნელად გასამხელია, ძმანო, ეს ამბავი. თქვენ თითონაც გაიგებთ. (ხეგსურები ჩანებუბით სთხოვენ თუშს ამ ამბის უსათუოდ შეტყობინებას და შემდეგ ბევრის ხეგწინის თუშმა ადვიარა).

თუში. ჩვენში ის ამბავი მოხდა, რომ ჩვენი დიდებული ზნეობა, რწმენა და მტკიცე ნათესაობა თავქვე დაემხო და ჩვენს წმინდა ტაძარს მოეცხო საშვილი-შვილოდ მოუშორებელი ჩირქი; ჩვენ ამას იქით თუშები ქულ-მოხდილნი და ლიხტიბარ გატეხილნი უნდა ვიყვნეთ ქვეყანაზედ, თემში აღარ გამოგვესვლება.

ხეგსურება. ძმაო თუშო, გთხოვთ მალე შეგვატყობინოთ ჩვენ მთიელთათვის ეგ სამწუხარო ამბავი.

თუში. ეს საუბედურო ამბავი ის არის, რომ ერთი ახალგაზდა ჩაღმა-თუში შესცდა თავის ნათესაზედ.

ხეგსურ. ვაი ჩვენს შერცხვენას! (იტყვიან ერთად და თავებს

დაჭკიდეხენ). ვაი ჩვენს უბედურებას! ეგ რა საოცარი ამბავი მომხდარა, მაგისტანა ჯერ ქვეყანაზედ არ გაგონილა. საიდგან გამოტყვრა მაგისტანა სამარცხვინო შემთხვევა; აქ საქმე რამ იქნების, თორემ ჩვენ მთიელ კაცს როგორ მოუვიდოდის ამგვარი საქმე!

თუშა. ჩვენ მაგან გაგვარკვირვა; მთელი თემი მაგაზედ არ ღაღადობს, საიდან დაგვემართა ამ გვარი უბედურება. ზოგნი ამას ამბობენ, შარშან რომ ჩვენ მთებში ქიების მძებნელ ფრანცუცები დადიოდნენ სოფელ შენაქოში და მოხუცებულებს ჰკითხავდნენ ჩვენ რჯულ-სამართალზედ, მაშინ იმ ძველი კაცებისთვის ეკითხათ: ნათესავები რომ შემცდარიყო, ამაზედ რა სასჯელი იყო თქვენშიო? აი ამ კითხვის დროს იქ ყოფილიყო ის ახალგაზდა თუში და ყველა ეს სიტყვები გაეგონა. აღვილად საფიქრებელია, რომ იმ ახალგაზდა კაცს გულში ჩაებეჭდა ეს ამბავი და წარმოიდგინა ეგ სამარცხვინო საქმე, რადგანაც სხვა ქვეყანაში შესაძლისი ყოფილა, იფიქრა, რატომ ჩვენში კი არ შეიძლებაო. აი ამ გვარად მოხდა ჩვენში სამარცხვინო საქმე.

ხეკსურ. ვაი ჩვენს წახდენას და დაცემას, განა ჩვენ მთებში გაგონილა ამისთანა საქმე? (ერთმანეთს) მოდით, ხეესურნო, დღეს ჩვენ აქ მოველით ბარით ნაჩარქს, გამომძიებელს და დოხტურს; იმათ უამბნოთ ეს სამწუხარო შემთხვევა და ვნახოთ რას გვიბრძანებენ, ყოფილა ამ გვარი ამბავი სხვაგანაც, თუ მარტო ჩვენს მთაში მოხდა.

(შემოვა სომეხი ვაჟთანა ერბოთანნი და ამათ ხეესურულად მიესალმება).

ვანთანა. გამარჯვება, ძმობილებო!

ხეკსურება. ვართანა აღდეგრძელოს ღმერთმა! (ანარკვა სთხავს ფუფს ვანთანას).

თუშა. ძმობილო აპარეკავ! მე ამ შენ მოძმე ხეესურებთან გიცხადებ, რომ მე შენგნით ჩემი დაკარგული ცხენის

საზღაურს არ მივიღებ, და მანამ ცოცხალი ვარ, ქისტებს ჩემი ცხენის მოპარვას არ შევარჩენ; შენ მარტო, რაც შენი ცხენის გამოყვანაში ხარჯი მომივიდა ის დამიბრუნე, ე. ი. ოთხი ძროხა.

ჯანთანა. აპარეკავ, მართალია მე გასასესხებელი ფული არა მაქვს, მე ძლივს ვშოულობ იმდენს, რომ თითო-ორიოლა ლიტრობით სოფლებში ერბო ვიყილო და ქალაქში ვგზავნო გასაყიდად, მაგრამ მე, როგორც ყოველთვის, დღესაც მზადა ვარ ხევსურების თხოვნა აღვასრულო, მხოლოდ შენ უნდა მამცე ვექსილი ფულის სესხებაზედ.

ანანუკა. ვექსილი რას ჰქვიან? რა არის ვექსილი?

ჯანთანა. ვექსილი ის არის, რომ ქალაღზედ უნდა დაიწეოს ნასესხი ფული, შიგ უნდა გამოცხადდეს შენი გვარ-სახელიც, ჩემიც, სარგებელში რამდენს მაძლევ, ან როდის უნდა ჩამაბარო; მხოლოდ სარგებელში მარტო ერბოს ავიღებ.

ანანუკა. ქალაღდი ატრატას არა ჰქვიანა?

ჯანთანა. ჰო, ჰო! ატრატას ჰქვიან.

ანანუკა. განა ვაჟკაცმა, რომ პატიოსან სიტყვა მისცეს კაცს, კაპეიკიან ატრატას იმაზედ მეტ ძალა ექნების? ჩემს პატიოსან სიტყვას არც ათას ძროხად გავიმტყუილებ. მე შენ თეთრს ერბოობას მოგართმევ, ქალაქჩი ჩავიტან ერბოს, გავყიდი და ჩაგაბარებ. ამაზედ არც ატრატა გვინდების და არც მზევალი (თავდები). ნუ თუ ჩვენ ისეთი ხალხი ვართ ხევსურები, რომ კაცმა ხელი მოგაიმართას და გაჭირვებიდგან დაგვიხსნას, იმას ვალაპა-რაკებთა და საჩივლელად გაუხდითა საქმესა! ეგ სულ ტყუილი ფიქრია, ღმერთმა დაგვიფაროს, რომ ჩვენ ხევსურებში მაგვარი ფიქრი შემოვიდეს. ჩვენჩი პატიოსანი სიტყვა და სინიღისი სუყოველთვის ყოფილა შეურყეველი, პატივდებული და იმედია კვლავაც დარჩების.

ვართანა. შენ რომ ათასიც ილაპარაკო, მე უვექსილოდ ფულს არ მოგცემ.

ანაკეა. შენ თუნდა ვექსილი დაწერე, თუნდა ატრატა, მე ჩემს სინიდისს არ გადაუდგები, როგორც ერბოობა მოვალის, წავიღებ ქალაქი ერბოს და შენს ვალს ჩავაბარებ.

(ვართანა შეუდგენს ვექსილს თავის სსსარკებლად და რადგანაც ანაკეამ წერა არ იცის, იმის მაგიერად სხვას მოაწერინებს ხელს. ანაკეას ფულს ჩააბარებს და ვექსილს ჯიბეში ჩაიდებს. უვექსიანი გადიან, მარტო ვართანა და ლეკაიძე რჩებიან).

თუში ლეკაიძე. ნეტა ვინ არის ეხლა ჩვენი ნაჩალიკი, გამომძიებელი და დოხტური?

ვართანა. ნაჩალიკი არის დროზდოვსკი, გამომძიებელი ვოროტილოვი და დოხტური ჩიკოვი, ძრიელ აქებენ, თურმე ყველა საქმეები კანონ-ზაკონზედ მიჰყავთო.

(შემოგლეჩ მანრის უფროსი, სსმხედრო კაპიტანის ჩინით, ბაკემბარდებიანი. გამომძიებელი—სსშუალა ტანისა, ქერა კაცი, დოქტორი—დაბალ-დაბალი, დაკენკილი ზირისხით, ამათ მოჭყევიანს: ფერშალი, ურიადნიკი, უაზახი და ჩაფრები. მისულნი დაბანავდებიან ჭერხაში. მანრის უფროსს გამოეცხადება მამასახლისი—ხევესური, რომელიც მივა მანრის უფროსთან ახლად, მარჯვენა მუხლით ჩაიკეცება, ორ თითს მარჯვენა ხელისას შუბლზედ მიიდებს, ვითომ ჩესტს აძლევს, ხელს გასჭიმამს ისე, რომ მანრის უფროსს შუბლზედ მიაბჯენს და ასე მიესალმება).

მამასახლ. კნიაზ ნაჩარიკი აღდერგძელოს ღმერთმა! კარგად ბრძანდებითა დიაღ-ყმაწვილითა, კაცით, საქონით?

მანრ. უფრ. შენ როგორ მიბედავ ხელს მიშვერ ჩამოსართმევად, განა არ იცი მე მანრის უფროსი ვარ?

მამასახლ. კიდევაც მანრის უფროსი ბრძანდებოდეთ, შენი კენესა მე, მაგ ხელის ჩამორთმევით განა კი რა დაშავდების, თუ ეს ცუდი არსავ, არკი თქვენგან გვაქვის ნაწვავლები?

23345

საქართველოს
საქართველო

მანტ. უფრ. მე შენ არ გაძლევ მაგდენი ლაპარაკის ნებას. გეტყობათ, თქვენ სულ აგრე ჰყოფილხართ გათამამებულნი და თქვენ უფროსი და დამრიგებელი არა გყოლიათ თავის დღეში. მე შენ მაგ თავისუფლებისათვის პოდსუდში მიგცემ და ციხეში ვაგვზავნი.

მამასახლ. თქვენი ნება არის, თუ სალამის მირთმევისათვის კაცი დაისჯების. მე კი ის ვიცი, რომ ჩვენჩი ბრძანდებოდის გუბერნატორი, რუსეთის დიდი კნიაზი გავარინი და ყველას ხელს გვართმევდა დიდს და პატარას, მაგრამ იმათ ჩვენდა მადლობა და ტკბილი სიტყვის მეტი საყვედურ არ მიუცავსთ, ყველა მამასახლისებიც და თავი კაცებიც დაგვაჯილდოვეს. ასრეთივ იყვნენ ჩვენი უწინდელ ნაჩარიკები—კახეთის დიდი კნიაზები ჩოლაშვილი და ჯანდიერი, მამა-შვილურად გველაპარაკებოდენ, როცა კი აქ მობრძანდებოდენ და სალამისთვის ციხეჩი დაჭერვას არ გვემუქრებოდენ. თუ ხელის ჩამორთმევა წინააღმდეგვასა, განა არ შეიძლების ჭკვიანად გვიბრძანოთა, რომ შემდეგ აღარ ჩავიდინათ.

(მარჯვენა კარდაშეშეშე ფარ-ჩაჩქანში გამოწყოხილი ხეესურა და ჭკითხვას ურთაღნიკს):

ხეესურა. სადა ბრძანდების ნაჩარნიკი?

ურთაღნი. ნაჩარნიკმა მოისვენა, რად გინდა?

ხეესურა. მისთვის მინდა, რომ საჩივარ მაქვის მასთან.

ურთაღნი. რა საჩივარი გაქვს მიამბე. განა მე უფრო კარგად ვერ მოგიხებრხებ საქმეს?

ხეესურა. მე ის საქმე მაქვს, რომ ჩვენს წინაპართ ერთ ხან-მატელ არაბულ მოუკლავს და იმის ნათესავები სასიხლოს მთხოვენ სამოც ძროხას. რადგან დიდ ხნის საქმეა და არ ვაქლევ, მოსაკლავად მსდევენ და ციციას დახრჩობასაც მითვლიან, თუ ხეესურულ რჯულ-სამართალზედ არ გადუხადე. (შემოვა მანრის უფრასი).

მასწ. უფრ. (გაკვირვებული უფურებს შეიარაღებულ ხევსურს).
 Что это за дикарь!

(მარცხენა კანიდამ შემოფარდება მეორე ხევსური ფარ-ჩახჩანათვე
 შეიარაღებული, რომელსაც ხელში კატა უჭირავს).

ხევსური მეორე. თუ რჯულ-სამართალ არ მომეცემის და არ
 ჩამბარდების ჩემი სასისხლო, ეხლავ ამ ციცას დავახრ-
 ჩობ ჩემი მტრის საფლავზედ. (ამას რომ ზირველი ხევსური
 დაინახავს, ხინხლა ჭინჭარაული, საჩქაროდ იძრობს დაშნას)
 (ხმალია).

ხინხლა. შენ არ იციავ მე ხინხლა ჭინჭარაულს მეძახიან, მე
 გაყურებინებ, როგორ დაახრჩობ ჩემი მიცვალებულის
 საფლავზედ ციცას! (შეფარდება ამოღებული დაშნით. ამ
 დროს მეორე ხევსური უცებ ხელიდამ გაუშვებს კატას, იძ-
 რობს ისიც დაშნას)

ბერდია არაბული. მეც ბერდია არაბულს მეძახიან. (ასტედება
 საშინელი ფარავაობა. დაინახავენ თუ არა ამას მასწრის უფ-
 რისი და ურიადნიკი, შიშით თავზარ-დაცემულნი, აქეთ-იქით
 მიაწელებიან და ექებენ კარს გასაქტეკვად. იზოვიან თუ არა
 კარს, ეცემიან ორივენი და გადაიჩეხებიან. დაშნების ტრიალი
 და შებრძოლთა ყვირილ-კიჟინი შემოესმება გადაყვებულს მა-
 მასწლისს, შემოფარდება და შეუტევს ხმა-მალა ორთავ მო-
 ჩხუბართ).

მამასახლე. ამ წუთში დაშნებ ჩააგეთ, მე არ გაძლევთ ნებას,
 როგორც თემისგან ამორჩეული მამასახლისი, რომ თქვენ
 ურთიერთ ჰხოცოთ. (შებრძოლნი მამასახლისის ბრძანებას
 ასრულებენ და ბრძოლას შეაყენებენ. შემოგლენ გამომძიებელი,
 ექიმი და მამასახლისის თანაშემწე; ესენი გაოცებით შეჭეუ-
 რებენ შეიარაღებულ და ნაბრძოლ ხევსურებს და უბრძანებენ
 მამასახლისს გაიყვანოს გარედ ხევსურები და თვითონაც გა-
 ვიდეს. ესენი გავლენ. ბერდია არაბული აღმოჩნდება დაჭრილი
 თავში. მამასახლისი დაუძახებს თემის კაცებს. ამ დაძახებაზედ

შემოვლენ სსმი მხსუტებული ხეგსური, ესენი ჭრილობაზედ დაწეობენ ქერის მარცვლებს და გადსწევატენ, რამ ჭრილობა ანის თფრმეტი ძრფის დარებული).

ურაან. (მაზრის უფრფსს მახსსენეს). თქვენო მაღალ-კეთილ-შობილებავ, ვილაც თუში გახლავთ მოჩივრად.

მაზრ. უფრ. შემოიყვანე. (შემფდის თუში ნებაერ ლეკაძე. მაზრ. უფრფსს და სხვებს სალამს მიართმევს):

თუში ლეკაძე. კნიაზ ნაჩალიკი აღდევრძელოს ღმერთმა!

მაზრ. უფრ. (ადგება, მივა თუშთან და იტყვის): აი ყოჩალი და გაზრდილი კაცი. გეტყობა რომ ნამსახური კაცი ხარ.

თუში ლეკაძე. დიად, ბატონო, ნამსახურიც ვარ და ბევრი სისხლიც დამიღვრია მტრისა ხელმწიფის ერთგულებიანთვის და მტრის გასამუსრადად, მაგრამ ეხლა ისეთი ღრობა დაგვიდგა, რომ არც ერთგულებას და არც ვაჟკაცობას პატივი აღარა აქვს.

მაზრ. უფრ. მაინც რა საქმე გაგპირვებია?

თუში ლეკაძე. მე ამას წინად გახლდით ქისტეთში მოსაძებნად მოპარული ცხენისა, ის ცხენი იყო ჩემი ერთი კარგი მეგობარი ხევსურისა; ცხენი ვიპოვე, მაგრამ ჩემი საკუთარი ცხენი კი იქვე ხელიდამ გამომაცალეს. მას შემდეგ ავღივარ-ჩავღივარ, მაგრამ ჩემი ცხენი ვეღარ მიპოვია და არც ვინ სამართალს მაძლევს.

მაზრ. უფრ. მე ეხლა თვითონ ქისტეთში მივღივარ, შენც თან გამომყევი, მაგ საქმეზედ კარგად და გამორკვევით პროტოკოლს შევადგენ და სულში გარდავსცემ. დამნაშავე დაისჯება და შენი ცხენი, ან მისი ფასი ჩავბარდებ. (თუში გვერდზედ მიიხედავს, სახე სრულად ეცვლება, თითქო ნათესავის სიკვდილის აშავი გაიგოფ და ეტყვის მაზრის უფრფსს):

თუში ლეკაძე. მე გთხოვთ მაგ საქმეს სულში ნუ გადასცემთ და მზადა ვარ არამც თუ იმ ცხენს თავი დავანებო, არამედ ქურდებს ორიც კიდევ სხვა მივსცე. განა არ

მოგეხსენებათ, რომ ერთი, ორი და სამი ცხენის ფასი მარტო სულში წასვლა-წამოსვლაზედ მოუნდება, ახლა მოცდენა სხვა იქნება და დარწმუნებული ვარ ბოლოს ჩვენი ქვეყნის ამშენებელ ადვოკატების დარიგებით საქმეს ისე გამოიყვანენ, ვითომც ცხენი მე თითონ მომეპაროს, და ადვილად შესაძლებელია სულის კანონით და ადვოკატების წყალობით, ქურდი ანგელოზად გამოიყვანონ და მე თვითონ ჩამაბან საქმეში. მე გთხოვთ, ჩემი საქმე გაათავოთ ჩვენი მთიელთა რჯულ-სამართალზედ, ე. ი. ქურდს აზღვევინოთ შვიდეულად თემის სულის გადაწყვეტილებით, რომელსაც ქურდები ვერც მოატყუებენ, ვერც თავის ცულლუტ მოქმედებით და ადვოკატების ყოველ სიმართლე მოკლებულ-აქრელებულ სიტყვებით და მოწმების ცრუ ნაჩვენებით მოატყუებენ. ქურდებმა თუ გაიგეს, რომ ჩემი საქმის გადაცემას აპირებთ სულში, დაბეჯითებით შემოძლიან დაგარწმუნოთ, რომ რაც ცხენზე ვზივარ, იმასაც მომპარავენ და ჩემ სახლ-კარსაც აიკლებენ. იმათთვის საქმის სულში გადაცემა სამოთხეა, მხოლოდ მართალი კაცისთვის კი დაღუპვა და დაჩაგრა.

მასწ. უფრ შენ რომ ნამსახური და დაჯილდოებული კაცი არ იყო, მაგისტანა პასუხზედ ძალიან გაგიჯავრდებოდრი, მაგრამ შენს ნამსახურობას პატივსა ვცემ. ნუ თუ მთიელნი ვალდებულნი არ იყავით ამ ორმოცდა-ათის წლის განმავლობაში შეგესწავლათ კანონები, სად უნდა მიმართოთ საჩივრელად და როგორ მოიქცეთ? თემის სულს რა უფლება აქვს ასამართლოს საქმეები? ვისგან არის დაყენებული, ან დამტკიცებული და დაფიცებული თემის სული? თუ შენ სიარულის თავი არა გაქვს, შეგიძლიან შენი საქმე მიანდო ადვოკატს, რომელიც შენს მაგიერ აწარმოებს სულში შენს საქმეს.

თუშა ლეკაძე. კნიაზ ნაჩალიკო! მე ჩემს საქმეს ადვოკატს

არ მივანდობ და სულში არა მსურს საქმის გადაცემა, მხოლოდ, თუ თქვენ ინებებთ სულში გადატანას ჩემი საქმისას, მე დავიჭერ ადვოკატს მარტო იმიტომ, რომ ეგ საქმე უკან გამოიტანოს და მოსპოს და არა იმისათვის, რომ იღავოს. მე მოგახსენებთ, რომ ადვოკატები ბოლოს მომდებია ყოველი ჩვენი კარგი ზნე-ჩვეულებისა, ქვეყნისა, ურთიერთობისა.

მასწ. უფრ. ერთი სიტყვით, თუ გსურს წამოდი ქისტეთში და შენს საქმეს იქ გავათავებ. (თუში გავა. ურადნიკ-ჩაფრები შემოიტანეს საუხმეს, რის შემდეგ მასწ. უფრ. განკარგულებას მოახდენს, რომ ცხენები მოამზადონ და მალე გაემგზავრონ. გადავლენ ქისტეთში. აქ დახვდებიან ქისტები შეაზარდებულნი თავით ფეხებამდე ქართული თოფებით, ხელმუბით, ხანჯლებით და დამახებით, ჩერქეზულად აცვიათ. ზოგაერთს მათგანს წვერა წითლად შელებილი აქვთ, მათ შორის სდგას მოლლა. მასწ. უფრ., გამომძიებელი და ექიმი რომ გამოვლენ მათთან, ქისტები საღამოს მაართამევენ თავის დაბლა დახვრით. მასწ. უფრ. მიმართავს მამასახლისს, რომელიც დაბალი ტანის კაცია და ეტყობა დიდი გაქნილი და ფული დასეება უნდა იყოს).

მასწ. უფრ. შენა ხარ მამასახლისი ქისტებისა?

მამასახლ. დიად, შენი ჭირიმე, კნიაზ ნაჩალიკ, მე ხარ მამასახლისი.

მასწ. უფრ. დღე და ღამ თქვენზედ შემოდის ჩემთან საჩივრები იმაზედ, რომ თქვენგან ყოფილან აკლებულნი თუშ-ფშავ-ხევსურნი. მე პირველად და უკანასკნელად გიცხადებთ, რომ აღარ იყოს დღეის ამას იქით ეგ ქურდავაზაკობა, წინააღმდეგ შემთხვევაში თქვენ იქმნებით აქედამ გადასახლებულნი რუსეთში.

ქისტა სადგულა ბარძაგეა. კინეზ ნაჩალიკ, ეგ სულ ტყუილი მოხსენება ხარ. ჩვენ, რადგანაც მაჰმადის რჯული ვარ და თუშ-ფშავ-ხევსურები ქრისტიანი ხარ, იმიტომ გემ-

ტერებიან და უფრო ნამდვილი მიზეზი ისა ხარ, როცა იმათ დაეკარგებათ რამე, მაშინვე აქ გამოსწვევენ და გვედავებიან, რალაც თავიანთ ბრიყულ ზვეულებახედ თემის სუდით გადაუხადოთ დაკარგულიო. ამაზედ, კინეზ, ზვენ თანახმა არ უხდებით და უცხადებთ: თუ რამე სადაო აქეთ ზვენთან, წავიდნენ და მიმართონ ზვენი დიდებულ რუსეთიდგან დაწესებულ სუდს, სადაც ყოველი საქმე ირჩევა კანონიერად, მტკიცედ და სამართლიანად და თუ პატივცემული სუდი გავვამტყუნებს, მაშინ თავის დაკარგული მიგცემთ.

ქისტება. კინეზ ნაჩალიკ, რომ ზვენ ქურდები არა ვარ და პატიოსანი კაცი ვარ და თქვენ დაგარწმუნოთ მაგაზედ, ამ ზვენ მოლლასთან ყორანზედ დაგიფიცამთ და ხელწერილსაც მოგცემთ, რომ ზვენი არაფერი არ მოგპარო, ხოლოდ რაც საქმე იქნება, იმათ სუდში გიჩივლონ.

ძაზბ. უფბ. ეს ძალიან კარგი. აბა, მოდით და ყველამ ყორანზედ დაიფიცეთ, რომ თქვენ ამას იქით აღარაფერი არ მოახდინოთ.

(ქისტება მოლლას მოტანილ უფრანზედ დაიფიცაქვენ ქისტურ ენაზედ ასე: ვალაი ბილაი თელაი უხდელერ დესაჩ დელე ყორან ლოქყორ მადუ მსთურ გურჯი გიოურიშ, დოხან სეინა გეგიჩ. (ამ ფიცის დრას ერთი თითი მადლა უჭირავთ. დაფიცების შემდეგ ქისტები ეტყვიან ნახანნიკს):

ქისტება. მართალია, წინადაც არ ყოფილა ზვენში ქურდობა, მაგრამ ახლა კი ძირეულად აღმოიფხვრება არამც თუ ქურდობა, არამედ ყველა ბოროტ-მოქმედება, რადგანაც ფიცი მივიღეთ, რომ არავინ გაბედოს ბოროტ-მოქმედება.

ქისტა სადულა ბარძაქვი. ზოგი ამალამ გიყურე ნაჩალიკის და თუშის ცხენი საით გავაქანებ. (რუსულად ნახანნიკს). კინეზ ნაჩალიკ, თეფერ უნას ვოროვისთვო ვსიო ფრაფალ, თვოი ზაქონ ოჩენ ხაროში ზაქონ, ქოგდა თვოი დელო სუთ ფოილოთ.

(მანის უფროსი, გამომძ., ექიმი და ქისტები გავლენ. დარჩება მარტო თუში ლეკაიძე, რომელიც გაშტერებული დადის. შემოვარდება ურიადნიკი ჩაფრებით).

ურიადნ. სადა ბრძანდება ნაჩალნიკი, უნდა მოვახსენო, რომ იმის ცხენი მოუპარავთ ქისტებს.

ლეკაიძე. როგორ, ნაჩალნიკის ცხენიც მოუპარავთ?! წავიდე, ჩქარა ვნახო, იქნება ჩემი ცხენიც თან გააყოლოს.

(შემოვლენ მანს. უფრ., გამომძ. და ექიმი, რომელთაც ურიადნიკი მახსენებს, რომ ქისტებს ცხენი მოუპარავთ).

მანს. უფრ. როგორ თუ ცხენი მოუპარავთ? გუშინ საღამოზედ ფიცი მიიღეს და დღეს მე, უეზნდი ნაჩალნიკს, ცხენი მომპარეს? გასწით ჩქარა მამასახლისი აქ წარმოადგინეთ. (მანს. უფროსი, გამომძ. და ექიმი ერთმანეთს ეტყვიან: Вот вамъ туземная присяга! (შემოვა მამასახლისი).

მანს. უფრ. (მამასახლისს). როგორ, თქვენ გუშინ საღამოზე ფიცი მიიღეთ და დღეს ცხენი მომპარეთ?

მამასახლ. არა, კინებ ნაჩალიკ, ტყუილი იქნება, თქვენ ცხენს რკინის ბორკილი ჰქონდა, იმას როგორ მოიპარამდნენ? (შემოვა თუში ლეკაიძე და გამოუცხადებს მანსის უფროსს, რომ იმის ცხენიც მოუპარავთ ქისტებს).

მანს. უფრ. (წამოხტება და გაფიცებული დადის). ეს რა ამბავია?! (მამასახლისი ჯობადამ ამოიღებს ნაჩალნიკის ბრძანებას, რომელიც მოგზავნილია ერთის თვის წინედ და მახსენებს, რომ ამ ბრძანებით ყარაულები სულში იბარებენ ცხენის ქურდობაზედ მუსა კახაურავს).

მამასახლ. მუსა კახაუროვი მე თვითონა ვარ, მე ჩემი თავი ყარაულით როგორ გავგზავნო სულში.

მანს. უფრ. შენ — მამასახლისის ქურდობა გბრალდება?

მამასახლ. არა, კინებ, სულ ტყუილი დაბრალება არის ხეცსურებისაგან. მე გახლდით დაბარებული თიანეთის

სულში. ერთი ფშაველი ტყუილად მაბრალეზდა სამოცი ცხვრის მოპარვას. როდესაც თიანეთიდგან მოვლიოდი შინ, გზაზედ ხევში ვნახე ერთი უპატრონო ცხენი და რადგან ფეხით ვიყავი, შევჯექი და წამოვიყვანე. ეს რა ქურდობა არის?

მაზრ უფრ. როგორ, შენზედ ორ-ოლი საქმე არის ქურდობაზედ და შენ კიდევ მამასახლისათა ხარ?

მამასახლ. მე ხო ძალად არ დამდგარხარ მამასახლისად. მე თუ ორი ქურდი ხარ, სხვა, ვინც მე ამოვირჩია, ათი და ხუთმეტი ქურდობა არის შენიშნულები.

მაზრ. უფრ. ეს რა ამბები მესმის. თუშ-ფშავ-ხევსურნი ამათთან არა ყოფილან მტყუანნი. (მამასახლისს) ჩემი ცხენის მოპარვაც ტყუილი დაბრალეზაა?.. გასწი და ეხლავე მომიყვანე ის ქისტი, ცოტად რუსულად რომ ლაპარაკობდა გუშინ. (შემოვა სადღუჯა ბარძაქვი). მე შენ ყველაზედ უფრო მომეწონე ამ ხალხში და მინდა, რომ ურიადნიკობა მოგცე.

სადღუჯა. (დომილთ მიიხედავს გვერდზე). აბა ცხენების გალაგება მაშინ გიყურე?

მაზრ. უფრ. ერთი მითხარ, ეს როგორ მოხდა, რომ გუშინ შემომფიცეს ქისტებმა, არაფერს მოვიპარავთო და წუხელის კი ორ-ორი ცხენი წაუყვანიათ.

სადღუჯა. მე, კინეზ ნაჩალიკ, ძალიან მართალი კაცი ხარ, თუ მე ურიადნიკობა მოგცემ, ყველაფერი მართალი გეტყვი და ქურდობაც აღარ გექნება.

მაზრ. უფრ. ნუ თუ თქვენს ხალხს ფიცი არა სწამს?

სადღუჯა. ფიცი, კინეზ ნაჩალიკ, ძალიან გწამს ჩვენი ხალხი. (ხუმაღ) მაგრამ გუშინ, კინეზ, იმაზედ კი არ დაიფიცეს, ჩვენი ხალხი არაფერი მოგიპაროს, იმაზე დაიფიცა, რომ იმ ქისტი, რომელიც გურჯის ციხენს და სხვას არ მოვიპარამს, გაუწყრეს დიდი მაჰმადის მადლიო.

მაზრ. უფრ. (მუხღზედ ხელს დაიკრავს). ეგ რა შემატყობინე.


ნუ თუ ეგრეთი ავაზაკობა გაბედეს ჩემს წინაშე; ან მოლლამ, სასულიერო წოდების კაცმა, ეგ როგორ გაბედა?! ეხლავე დაიჭირეთ მოლლა და მოიყვანეთ აქა.

სადღულა. მოლლას, კინეზ, ეხლა სად დაგიჭერ? იმან, როგორც გაიგო თქვენი ცხენები მოგიპარია, მაშინვე დაღესტანში გაგივარდა. ეხლა პირ-იქით გადასული იქნება, იმას ვერავინ ვერ დაიჭერს. (შემოვლენ ურიადნიკ-ჩაფრები და მახსენებენ):

ურიადნ. ჩვენ ვიპოვეთ თქვენი ცხენი ერთს ღრმა ხევში და რადგანაც ცხენი რკინის ბორკილიანი ყოფილა, ვერ წაუყვანიათ, მაგრამ ნალები აუყრიათ და წაუღიათ, ცხენი კი იქ დაუტოვებიათ. მხოლოდ თუშ ლეკაიძის ცხენი, რადგან ისიც ბორკილიანი ყოფილა და წაყვანა ვერ შესძლებიათ, მოუკლავთ და ხევში კუდ მოჭრილი გადაუგდიათ. (შემოდის გამომძიებელი და ექიმი. მასრის უფროსი გაბრაზებული დაბნის და ამათ შესწავლეს ქისტის და ურიადნიკ-ჩაფრებისაგან გაგებულს აშეებს).

ელიზბარ გუგუშვილი.

(შემდეგი იქნება).



ისტორიული და გეოგრაფიული აღწერა

კლარჯეთისა

როგორც მოგვითხრობს ჩვენი სამშობლოს ძველი ისტორიის ნაწილი, ფარნავაზ მეფემდე, ვიდრე საქართველოში მამასახლისური წესები არსებობდა, ანუ ახლანდურის ენით — რესპუბლიკური მთავრობა, მინამდის კლარჯეთი ერთს სამამასახლისოს შეადგენდა და იგი ემორჩილებოდა მცხეთის სამამასახლისოს. მაშინ და შემდეგ საუკუნოებშიაც ამ მხარეს კლარჯეთი ეწოდებოდა. შემდეგ დროებში ხან ზემო ქართლი უწოდეს, ხან მესხეთი, ხან სამცხე და ხან საათაბაგო. როგორც სჩანს კლარჯეთის წოდების შემდეგ ზემო ქართლი უწოდებიათ, ზემო ქართლის შემდეგ სამცხე, სამცხეს შემდეგ მესხეთი და მესხეთის შემდეგ საათაბაგო. ჩვენ აქ ვხმარობთ კლარჯეთს, ე. ი. იმ სახელ-წოდებას, როგორც ეს მხარე ძველის-ძველადგანვე იწოდებოდა.

ძველათ კლარჯეთის ნაწილი იწყებოდა არსიანის მთიდან შავი ზღვის ნაპირებამდე, დასავლით ოლთისამდე და სამხრეთით — არმენიამდე ანუ ჰაოსიანთ საზღვრამდე.

საქართველოს ისტორიის ძველის ნაწილიდან სჩანს, რომ ჩვენს სამშობლოში ქართველი ტომის ერთი ისე ვერსად მრავლობდა, როგორც კლარჯეთში, ანუ სამცხე-სათაბაგოში. მასთანვე კლარჯნი ძველის-ძველადგანვე განთქმულნი იყვნენ სილამაზით, ახოვნებით, ვაჟკაცობით, რაინდობით და სიღარბაისლით. უახლოეს დროის მწერალი თეიმურაზი მიტომაც ამბობს ამათზე შემდეგს:

„პირველ თქმულია ბრძენთაგან სიღარბაისლე მესხისა“.

ჩვენი დროის მწერლებიც ასე მოიხსენებენ:

„მესხი სწავლითა ქებულიო“.

ესევე მხარე ბევრმა ჩვენმა მამებმა და მწერლებმაც შეამკეს. ნიკოლაოზ თფილელმა, ბესარიონმა, ზაქარიამ და ანტონ კათალიკოზმა ბევრს ალაგას წარმოსთქვეს ამათ შესახებ შემდეგი:

მესხთა მთიები, მესხთა ცისკარი,
მესხთა გვირგვინი, მესხთა დიდება,
მესხთა სიწმიდე, მესხთა ლამპარი,
მესხთა ნათელი აღმობრწყინდება და სხვანი.

ქართულს ძველს მწიგნობრობაში ქართველნი მხოლოდ კლარჯეთის ქართველთა სახელწოდებით იქებიან და იდიდებიან. კლარჯეთის ქართველნი ძველადგანვე წამოსადგენი ვაჟკაცი იყვნენ, ხელ-ლონიერნი, მარჯვენი, სქელ შავ სისხლათ სავსენი, დიდი თვალ-წარბების და ხმის მექონენი ქალებიც ასეთნივე იყვნენ. ამ მხრის ქართველთ სულიერი და ხორციელი თვისებანი ძველადვე სწორედ სანაქებო მდგომარეობაში ყოფილა მოთავსებული. ამიტომაც ესენი ღირსნი გახდნენ იმ პატივისცემისა და დიდებისა, რაც მათ შოთა რუსთაველმა შთაბერა. უკვდავი „ვეფხისტყაოსანი“ პირდაპირ ამ მხრის ერის ცხოვრების სურათებს წარმოადგენს. აქედამ კარგათა სჩანს მესხთა ზნე-ჩვეულება, ხასიათები, სამოქალაქო და სამხედრო მხარეები, რაინდობა და მამულის სიყვარული. ქალების გატაცებული გმირობა, უზომო პატივისცემა სამშობლო ქვეყნის მფარველ გმირებისა და ბევრიც კიდევ სხვა რამეები. თვით უკვდავი შოთა რუსთაველიც ხომ მესხეთში დაიბადა და იქვე აღიზარდა, როგორც თვითვე ამბობს:

„და ვსწერავ ვინმე მესხი მეღექსე, მე რუსთავისა დაბისა“.

მაგრამ ჩვენდა საებედუროთ დღეს რას ვხედავთ შოთა რუსთაველის მშობელს რუსთავში!? კარგს არაფერს, მთლად რუსთავი ვერანად გამხდარა, ქართველების იქ ყველაფერი

მოსპობილა, ფერფლად ქცეულა. ქართველთ მაგიერ დღეს იქ ქურთები სახლობენ და ქურთული ენა სუფევს.

საათაბაგოს ყოველთვის პირველი ადგილი ეკავა სამთავროებ შორის, მეფეს მოსდევდა ათაბაგი და ამას სხვები. საათაბაგო თავის შინაგან ღირსებითა და სიმდიდრით მუდამ მალლა იდგა საქართველოს ყველა მხრის ადგილებზე, აქ ყველაფერი ბრწყინავდა, სწავლა, მეცნიერება, ქრისტიანობა, მწერლობა და გმირობა. ამიტომ საათაბაგოს ყველა პატივს სცემდა, ეს პატივისცემა თვით შოთა რუსთაველსაც ეტყობა, ამას ცხადათ მოწმობს „ვეფხისტყაოსნის“ მრავალი ცნობები და აღწერანი, მაგალითად, თუნდ ციხის-ძირის აღწერა და მისი ქაჯეთის ციხედ წოდება და მრავალ სხვა ადგილებისაც.

მესხთა თვისების და ცხოვრების წესები მაინცა და მაინც არ წარმოადგენს ერთ განკერძოებულს რამეს სხვა კუთხის ქართველთ ცხოვრებასთან. მესხთა ცხოვრება საქართველოში საზოგადო ხასიათების მექონი იყო და თითქმის მსოფლიოც. მაშ რამ გახადა რუსთაველისათვის ამ მხრის ერის საქმეები საყურადღებოთ, თუ არ ამათ საზოგადო მსოფლიო მიდრეკილებამა და ღირსებამა. მსოფლიო ისტორიაში თუ ქართველობა დაიჭერს ადგილს, ვიტყვით, რომ პირველნი მესხნი იქმნებიან და ამათი ხსენება ნათელს მოჰფენს დანარჩენს ქართველებსაც. მაინც ყველა უძველესთ ხალხთა მემკვიდრეთა ნაწერებში ჩვენ მხოლოდ მესხეთს ვხედავთ მოხსენებულს, მაგ., დაბადებაში, სადაც მოხსენებულია მოსოხი, ე. ი. მესხეთი, მესხები. აქედამ გადმოკეთდა სიტყვა სამცხე, მცხეთა და სხვანი.

კლარჯეთი იყო დასავლეთი საქართველო. იგი იწყობა ბორჯომის ხეობით და მიემართება სამცხით ტრაპიზონამდე, სამხრეთით—არმენიამდე და ჩრდილოეთით—შავი ზღვის ნაპირამდე. იგი კარგა ვრცელი მთიანი ადგილებია და ზომა რომ იქმნეს, მაშინ 300 ვერსზე მეტი გამოვა სიგძე-სიგანე, ეს ქანეთს გარდა, რომელიც ძველათ აგრეთვე საქართველოს

ნაწილს შეადგენდა. კლარჯნი თავიანთ ზრდილობის გარდა მეტათ მამულის მოყვარენიც იყვნენ, ომში პირველი ადგილი ამათ ეკავათ. „ქართლის ცხოვრების“ თქმით პირველ მოწინავეთ ესენი უნდა დამდგარიყვნენ, თორემ იწყებდნენ და საქმეც დაიშლებოდა. ამათი მეწინავეობა ამხნევებდა დანარჩენ ქართველებსაც. ესენი გმირულათ ეგებებოდნენ ყოველთვის საქმეს და ამით სხვებსაც ახალისებდნენ, როგორც ძველისძველათგანვე სიბრძნით შენიშნულნი და სავსენი, გმირობა და თავის-დადებაც ანგარიშით იცოდნენ, მოსაზრებით და ჭკუით.

მეთე საუკუნეში მესხეთის დავით კუროტპალატმა იშვილა ბაგრატ მესამე და მთელის საქართველოს მეფედ ეს დაადგინა. ასე და ამ გვარად კლარჯთა მეოხებით ამ დროდამ იწყება ქართველთ ტომის გაძლიერება. ამის შემდეგ აღორძინდა ქართველებში მწიგნობრობა, ხელოსნობა, მხედრობის ცოდნა, ლაშქართ გაწყობა, ხელოვნება, ვაჭრობა. კლარჯნი ვაჭრობით და აღებ-მიცემით რომ წინ ყოფილან, ეს ხომ ყველასთვის ცხადია. აჭარელნი დღესაც ამბობენ, რომ ძველათ აჭარას ვაჭარა ერქვაო, რადგანაც აქაურნი გამოჩენილნი ვაჭრები ყოფილან და ამათ შავის ზღვით ბევრი რამ ნაწარმოები გაჰქონდათ შავ ზღვის იქითა ქვეყნებშიო. ქრისტიანობის გავრცელების შემდეგ სასწავლებლების და ეკლესიების შენებაც აქეთ წავიდა წინა. მწიგნობარნი და მსწავლული პირებიც სულ აქედიმ გამოდიოდნენ. ამ სწავლულთ პირთა მეოხებით იყო, რომ პირველათ აქეთ აღშენდნენ შესანიშნავი ტაძრები, რომელთა უმეტესი ნაწილი XV საუკუნის შემდეგ გაუქმებულ იქნენ და მოსპობილ ისე, როგორც ზეგანში სოფ. ვანის (ვათაძეები) დიდი ეკლესია, რომლის ქვებიც კი აღარ სჩანს.

ხახულის ხეობაში, რომელიც დღევანდლამდის ოსმალის ხელშია დარჩენილი, X საუკუნეში, ბაგრატ მეოთხემ დაამთავრა დიდებული ტაძარი ხახულისა. ამ შესანიშნავ ტაძრის

გვერდით დაარსებულ იქმნა სასწავლებელი, სადაც ქართველთა შვილებს ასწავლიდნენ. ამ ტაძრის წინამძღვარს და სასწავლებლის უფროსს ჩვენი ძველი მწერლები ახალ იოანე ოქროპირად ასახელებდნენ. ამ პირმა განაბრწყინა ხახული და ხახულის სასწავლებელი. იოანე ხახულელი მწერლობდა კიდევ, ამან თავის მწერლობის გავლენის ქვეშ მრავალი ქართველი გამოზარდა, გაამწერლა, წიგნთა თარგმნა და გადაწერა ხახულის ხეობის ქართველთა მან ასწავლა. XI საუკ. გასულს ეს ტაძარი დავით აღმაშენებელმა განაბრწყინა და გაამდიდრა. XII საუკუნის გასულს, თამარ მეფის ხალიფაზე გამარჯვების სახსოვრად მანიაკი დასწერა და ეს მანიაკი ჯერეთ თამარ მეფის დროშაზე იქმნა წარწერილი და შემდეგ ხახულის შესანიშნავს ღვთის-მშობლის ხატზე, რომელ ხატიც ხახულის აოხრების შემდეგ გელათში იქმნა გადმოტანილი და რის ხელოვნებასაც განცვიფრებაში მოჰყავს თანამედროვე სწავლულნი. ამ შესანიშნავი ტაძრის ერთი ნაწილი დღეს ჯამეთ არის გადაკეთებული და შიგ ლოცულობენ ქართველ მაჰმადიანები, რომელთაც 400 წლის ოსმალთა მუდმივ ომების მეოხებით თავიანთი დედა-ენა დაკარგეს. ხახულის ხეობაში სხვა წვრილი ეკლესიებიც მოიპოვება აქა-იქ. სოფლებს შერჩა თავიანთი პირვანდელი ქართული სახელები და აქა-იქ მაჰმადიანებმა იციან, რომ ისინი ქართველთა შთამომავალნი არიან.

ხახულის მახლობლათ, ორის დღის სავალზე, სამხრით ძვეს შესანიშნავი ხეობა იშხნისა, სადაც დღევანდლამდე სდგას დიდებული ტაძარი იშხნელისა, რომელიც ჩვენს ისტორიაში დიდის დიდებით ბრწყინავს და რომელიც აღშენებულია ამავე საუკუნეში და ქართველთა მეფეთაგან გაამდიდრებული. დღეს ეს დიდებული ტაძარი ოსმალეთის სამფლობელოს შეადგენს, ამ ტაძრის გაჭმომანი და მთლად იშხნის ხეობა ძველათ მთლათ ქართველი ტომით იყო მოფენილი და სოფლები და ეკლესიებიც ხშირი იყო. დღეს ამ ხეობის

ქართველ მაჰმადიანებს ქართულის ენის აღარათფერი ესმისთ, მთელს ხეობაში მოისპო ქართული ენა, ხმაურობა. აქ ქართველ ტომის და ენის მოსპობას ის გარემოება უფრო უწყობდა ხელს, რადგანაც ხსენებულ ადგილებთა ქართველნი სჯულის გამო ოსმალებს უფრო სასტიკათ ეომებოდნენ, ამის გამო ოსმალთაგან ესენი დამორჩილების შემდეგ სასტიკათ იღვევებოდნენ და ბევრს ამათთაგანს შუაგულს ოსმალში ასახლებდნენ. დღეს ამ შესანიშნავი ტაძრის ერთი ნაწილი ჯამეთ არის გადაკეთებული, ამ ტაძრის ხილვას განცვიფრებაში მოჰყავს ევროპის მოგზაური მსწავლეულნი.

შესანიშნავია აგრეთვე ამ ეკლესიებთა მახლობლივ მდებარე მესამე დიდი ეკლესია და მეოთხე ჰაჩხაჩის ხეობაში პარხლის შესანიშნავი ტაძარი, რომელიც დღევანდლამდე შეურყვევლათ სდგას. მისი ერთი ნაწილი დღეს ჯამეთ არის გადაკეთებული. პარხალი ოსმალოს სამფლობელოში ძვეს, მთელი ხეობის მცხოვრებნი ქართველთ ტომის მაჰმადიანები არიან და ამათ სამშობლო ენას ქართული ენა შეადგენს. ამ ხეობის სოფლებსაც შერჩათ თავიანთ პირვანდელი ქართული სახელები. ეს გარემოება ძალიან საკვირველია, რადგანაც პარხლის აქეთა ხეობის ქართველთ კი დავიწყებით ქართული ენა.

ქარის მხარეშიაც (ყარსის ოლქ.) ბევრი ტაძრები აღშენდა და ერთი ამათთაგანი არის ჩილდირის ხეობაში, სოფ. ველში, დიდებული ტაძარი, რომელიც მთელ ჩილდირის ხეობას ამშვენებს და რომელიც გასაოცარს სანახაობას წარმოადგენს თავის სიგრძე—სიგანით და სიმაღლით. ეს ტაძარი და ხეობა შესანიშნავია მით უფრო, რომ ყარსის ოლქაში ქართველი ტომი მოისპო, აქ ქართველების აღარა არსებობს-რა, ხოლო ჩილდირის ხეობაში კი შეინახეს ქართველთ თავიანთი ენა და დღეს ყარსის ოლქაში მხოლოდ ჩილდირის ხეობაშიღაა ქართული ენა დაშთენილი. ეს ტაძარი ისეთ ალაგას სდგას და ისეთის ხელოვნების არის, რომ იგი ყოველ თავის მხილ-

ველ ქართველს დიდათ შეაწუხებს და ატირებს. აქ ბევრი ქართველ მოგზაურთაგანი ყოფილა და მწარეთაც შეწუხებულა.

ასეთსავე განსაცვიფრებელს სურათს წარმოადგენს სუმბატისაგან გაკეთებული დიდი ტაძარი ჯიჯანის ხეობაში, სოფ. ჯადის უახში, სადაც ეკკლესიის ერთს ქვაზე გამოჭრილია მზის საათი და აქა-იქ ეკკლესიის ქვებზე მრავალი ქართული წარწერანი. ტაძარი შიგნიდამ სოფიოს კენჭებით იყო შემკული. ეს ნაშთი შეიმუხრა ყოველ ნაირის ხელოვნებით მის დროს, როცა იგი ჯამეთ გააკეთეს და დღეს სულაც მოისპობა, რადგანაც შიგ ჯამე მოისპო და პატრონობაც მოაკლდა.

მთელ საქართველოში მეტათ საყურადღებო ტაძრათ ითვლებოდა მურღულის მახლობლივ შატბერტის ტაძარი, რომელსც პორხლის მახლობლივ მდებარეობს და დღეს ესენი იმით ისახდვრებიან, რომ შატბერდი რუსის სამფლობელოშია და პარხალი — ოსმალისაში. შატბერდი ძველათ დიდათ განთქმული და გაბრწყინებული იყო სიმიდრით და ეკკლესიის ხელოვნებით და ნაშენებით. ამ ტაძრის გვერდით იყო დიდი სასწავლებელი და ამავე სასწავლებლის მასწავლებელთა მეოხებით მთელს კლარჯეთში მოიფინა სამღთო სწავლა და წიგნების გადაწერა. შატბერდის ძმანი და მამანი დაუცხრომლათ მოღვაწეობდნენ წიგნების გადაწერაში და ამათ ბევრი ეკკლესია შეამკეს თავიანთის გადაწერილ ახლად თარგმნილ სასულიერო წიგნებით. ოსმალთა მრისხანებამ შატბერდი მთლად მოსპო და აღგავა. ქართლის მცხოვრები შატბერაშვილები ანუ შატბერა-შვილები იქიდამ არიან წამოსულნი XVII საუკ. დამდგეს.

ტბეთის ტაძარიც ხომ მეცხრე საუკუნიდამ დღევანდლამდის მთელათ და შეურყვევლათ სდგას ტბეთის ხეობაში. ყოველ ჩვენთაგანმა კარგათ უნდა იცოდეს, თუ რაფერ ბრწყინავდა ეს ტაძარი და ან ამ ტაძრის გვერდით რა შესანიშნავი

სასწავლებელი ყოფილა დაარსებული, სადაც გამოჩენილთ მტბევართა მეოხებით ბევრი შესანიშნავი მწიგნობარი ქართველნი აღზრდილან, აქაურ მგალობელთა მამათა და ძმათა უფროსთ განუმშვენებიათ ქართული გალობა და ამისთვის მათ ნოტებიც შემოუღიათ, რომლის ერთმა ვრცელმა წიგნმა ჩვენ დრომდისაც მოაღწია. ამავე ტაძრის სასწავლებელში სწავლობდა მცირე ხანს შოთა (შიო) რუსთაველი. ოსმალთა მეოხებით ესეც გაუქმებულ იქმნა და შემდეგ ერთი ნაწილი ჯამეთ იქმნა გადაკეთებული. ამ ორი წლის წინეთ სალად დამთენილს გუმბათს მეხი დაეცა და საბრალოთ დაარღვია. მშვენიერი რამ ნაშთია ეს ტაძარი და დღეს უპატრონოთ სდგას ტბეთის ხეობაში.

ასევე უწყალოთ გაოხრდა ანჩის ტაძარი და ამის ხეობაში 1630 წ. შემდეგ ქართველობაც მოისპო. გამოჩენილ ანჩის ეკკლესიის ხატი ტფილისში გადმოიტანეს და ცნობილს ანჩის-ხატის ეკკლესიაში დაასვენეს, რის გამოც ეწოდა ამ ეკკლესიას ანჩის-ხატი.

სამხრეთ კლარჯეთში მოისპო ვალაშკერტის საეპისკოპოზო ტაძარი, აქ სომხეთის საზღვარზე მოისპო ქართველობაც, გაქრა ქართველ ერის კვალი და ენა. აქა-იქ თითო-ოროლა სოფლის სახელები-ლა სჩანს. ასევე მოისპო კარელის (ყარსის) დიდებული ტაძარი და 500 მეტი სოფელი, სადაც მთლად გაქრა ქართველობა, გარდა ჩილდირის ხეობისა, სადაც მაჰმადიანები დღევანდლამდე ქართულს ენაზე ლაპარაკობენ. ძველათ კარის ნაწილში 100-მდე დიდი შესანიშნავი ტაძარი ითვლებოდა ქართველთა და დღეს მგონი მთელს ოლქაში 10 ნაშთიც აღარ მოიძებნოს.

შესანიშნავს ნაშთს წარმოადგენდა ძველათ ოპიზის ტაძარი, რომელიც დღევანდლამდე იხილვება შავშეთსა და მაქახელს შუა. დიდს და შესანიშნავს სახსოვარს წარმოადგენდა კლარჯეთის დასავლის დადაშნელის და ბანელის ტაძრების ნაშთები, მაგრამ დღეს აქ ქართველობის აღარაფერი სჩანს,

აქ ქართველობა მოისპო აღრიდგანვე და ვინც დაშთნენ, ისინიც სულ გათათრებულ იქმნენ. დღეს ოლთისისკენ ისეთ სურათებს ნახავს კაცი, რომ ვერავინ იფიქრებს, თუ ოდესმე იქაურობა ქართველი ტომით იყო მოთენილი და ეს ადგილები ნამდვილს საქართველოს საკუთრებას შეადგენდა ძველის-ძველადგანვე. თითო-ოროლა ძველს ნაშთებს კაცი ისევ მიყრუებულს ტყეებში შეხვდება, რომელთა წარწერანიც ცხადათ მოწმობენ აქეთ ქართველთა კვალს. რომელი ერთი მოთვალოს კაცმა აქ და აღნუსხოს. ჩვენ არ ვიხსენიებთ სხალტას, ზაზაშას და ბევრს კიდევ იმ ტაძრებს, რაც გაუქმებულ და მოსპობილ იქმნა მტრისაგან. მთელი ეს მხარე მოთენილი იყო შესანიშნავის ტაძრებით, სასწავლებლებით და მწიგნობარ კაცებით. ყველა ამავების აღსადგენათ და ასაღორძინებლათ კლარჯთ ძალა შესწევდათ და ამ ძალას ისიც ეხმარებოდა, რომ ამათ ჩრდილო-დასავლით წინ წასული საბერძნეთი საზღვრავდა და სამხრეთით—არმენია.

ბაგრატ მეოთხის შემდეგ საქართველო თითქმის კლარჯელთა მეოხებით იწყო განდიდება და ამაღლება. დიდებულმა დავით აღმაშენებელმა თითქმის კლარჯთა მეცხებით დასძრა საქართველოდგან არაბნი და გაანთავისუფლა ჩვენი სამშობლო. სახელოვანი თამარ მეფეც ვერა ღონის-ძიებით ვერ დააარსებდა ტრაპიზონის იმპერიას, რომ უპირველეს გმირებად კლარჯნი არ ყოფილიყვნენ. ამ მეფეს დღესაც კი ქართველ მაჰმადიანები თავიანთ მეფეს უწოდებენ და ესენი მის მოსვლასაც ელიან. ასეთს ცნობებიდამ კარგათ სჩანს ის, თუ კლარჯთა და ქართველ მეფეთა შორის როგორი სიყვარული უნდა ყოფილიყო დამკვიდრებული. კლარჯეთი იყო საქართველოს სიძლიერის ბჭე. აქ ძველის-ძველადგანვე მრავლად და ხშირად იბადებოდნენ გამოჩენილი გმირები. ასეთმა გმირებმა ქრისტიანობის მიღების შემდეგ უფრო იჩინეს თავი და ნამეტურ გამრავლდნენ ბაგრატოვანების აღორძინების შემდეგ. ასეთ შესანიშნავ გმირთა სახელების მოხსენებას რომ

გავყვეთ, ეს მაშინ ერთობ შორს წავა. გავიხსენათ მხოლოდ მიხეილ (გობრონ) ახალციხელი და მისი ას სამოცი გამოჩენილი გმირები. ამ გმირებთა მეოხებით მიღწია საქართველომ იმ სიმაღლემდე, რომელზედაც იგი მეთორმეტე საუკუნეში დასდგა.

ქართველთ ყველა მსწავლული კაცებიც სულ აქ სცხოვრებდნენ, როგორც სასულიერო ბრძენი მწერლები, ისევე საეროანი, თითქმის სულ აქაურები იყვნენ. V საუკ. ქართველთ მთარგმნელნი აქაურები იყვნენ, აქედამ წავიდნენ ესენი საბერძნეთში და იქ შეისწავლეს ბერძნული ენა და თარგმნა დაიწყეს. აქედამვე გაემგზავრა ვარახ ბაკურის ძე მურვანოზი ბერძნეთა იმპერატორთა წინაშე მძევლათ, რომელიც შემდეგ დიდის დიდებით აღმობრწყინდა, ბერძნულის ენიდამ სთარგმნა მრავალი შესანიშნი სამეცნიერო და საღვთო-საფილოსოფოსო წიგნები და შემდეგ ეპისკოპოზად იქმნა აღყვანილი მუამას კათედრაზე. აქაურივე იყო გამოჩენილი კირიონ (კეგრიონ) კათალიკოზი, კაცი ბრძენი, მწიგნობარი და მთარგმნელი, ქართულს ენაზე მრავალთა ძველთა სამღთო მეტყველთა და მეცნიერთა ნაწერების ავტორი, რომლის ნაწერებმა ჩვენ დრომდე ვერ მოაღწიეს. აქეთვე სცხოვრებდა და იმყოფებოდა სტეფანე მტბევარი (VIII საუკ.), ეპისკოპოზი, რომელმანც აღწერა მიხეილ (გობრონის) ახალციხელის ცხოვრება და რომელ ცხოვრებამაც ჩვენ დრომდისაც მოაღწია. აქედამვე გამოვიდა გამოჩენილი მთარგმნელი გიორგი მთაწმინდელი, რომელმაც ახლად დაასრულა ქართულ სამღთო წერილთა თარგმნა. აქაურებივე იყვნენ გაბრიელ ქართველთ მთარგმნელი ექვთიმე მთარგმნელი, იოანე პეტრიწი კავკასიძე; ანუ ჭიჭიბელი. აქაურებივე იყვნენ ყველა ჩვენი საერო მწერლებიც და მწერლებთა შორის შოთა რუსთაველიც, რომელმაც ადიდა ქართული ენა. აქაურივე იყო გამოჩენილი იოანე შავთელი, დაკით საათაბაგოელი და მრავალიც სხვა გამოჩენილი ბრძენი ქართველი მწერლები. ყოველ მონასტრის გვერდით მთელი

გუნდი არსებობდა ისეთის ბრძენ სამღთო მეტყველ მამების, რომლებიც ვრცელს ტომებს სწერდნენ, მაგალითად, როგორც მიქელ მოდრეკილი, იოანე ბერი, მწერალი შატბერდის კრებულისა და მრავალნიც სხვანი, რომელთ თარგმანთა და ნაშრომებს განცვიფრებაში მოჰყავს ყოველი ქართველი.


როგორც ბრძენ მწერალთა რიცხვით იყო ეს მხარე სავსე და მდიდარი, ისევე შემკული იყო ეკკლესიების ოსტატურათ მაშენებელთ ოსტატთა, მხატვართა, ინჟინერთა, ხუროთა და სხვების. ყველაზე დიდებით აქაურნი ოსტატ-ხელოვანი ხელოსნები მოიხსენებოდნენ. ესენი ჩინებულათ აკეთებდნენ ეკკლესიებს, შიგ ამკობდნენ შესანიშნავის მხატვრობით და გარეთ კიდევ ჩუქურთმის მჭრელნი ამკობდნენ ათას ნაირის ქანდაკებით, რომელთა ნიშნები დღევანდლამდეც კი სჩანს აქა-იქ. ეკკლესიებთა გარდა ციხე-კოშკების და გალანების კეთებაც კარგათ სცოდნიათ, სახლების კეთებაც ასევე, როგორც ქვიტკირის, ისევე ხის. ამას დღევანდელი მათი სუფთა ნაშენი სახლებიც ამტკიცებენ. სახლებს გარდა ხიდებისა და ბოგირების კეთებაც კარგათ სცოდნიათ. დღესაც კი მოიბოვება აქა-იქ ძველის-ძველათ გაკეთებული ხიდები, რომელნიც მნახველველთ აკვირებენ საოცრათ და ნამეტურ თანამედროვე ინჟინერთ. მაჭახლის ქვითკირის ხილვა, მანუნცეთის, დანდალოსი, ხულისა და სხვების, დღევანდელამდე შეურყველათ სდგანან და კიდევაც დიდხანს დაშთებიან. კლარჯნი ყველა ამ მხრის ხიდების კეთებას თამარ მეფეს აწერენ. ვისაც კი ჰკითხავთ რამეს ამ ხიდების კეთების შესახებ, ყველა იმას გიპასუხებს, რომ თამარ მეფის გაკეთებულიაო. არხების გაყვანაც ხშირათ სცოდნიათ და მეტათ კარგათ.

ბალოსნობაც კარგათ სცოდნიათ, ამის მეოხება არის, რომ აქეთ ხილი ძველათ ძრიელ მრავლობდა და ტყეები სულ მშვენიერის ხეხილით გაავსეს, რასაც დღევანდელი ხე-

ხილთ სიუხვეც ამტკიცებს. ღვინის დაყენებაც კარგათ სცოდნით აქეთ, ყოველ სოფლის მცხოვრებს თავის საკუთარი ვაზის ვენახი ჰქონდა და ღვინოს სწურავდა. ღვინის ქვევრებით და საწურავებით ხომ სავსეა დღევანდელი სოფლები და ნასოფლარებიც. მაგრამ ყველა ესენი შემდეგ დროებაში მოისპოა ოსმალთა მეოხებით. პურისა, სიმინდის და ბრინჯის მოყვანაც უხვათ სცოდნით, პირუტყვის გამრავლება და ერბო-მატყლით ვაჭრობა. ფეიქრობაც წინ ყოფილა წასული, კაცებს გარდა ქალებიც ფეიქრობდნენ. ესენი აკეთებდნენ აბრაშუმს, ქსოვდნენ, რთავდნენ და ყოველ ნაირ ტანსაცმელს და სახლში სახმარებელს ხელცახოცებს, ფარდებს, ქეჩა-ხალიჩებს და სხვა საჭირო რამეებს ესენი აკეთებდნენ, ნამეტურ ამათში კარგათ იცოდნენ ოქრო-მკვდით მოქარგვა, ქარგაზე მუშაობა და სამღვდლოთ სამოსთ კერვა და შემკობა, საეკლესიო საჭირო ფარდების მომზადება დიდის ხელოვნებით, რომლის ნიმუშები დღევანდლამდისაც არის ზღომათ დაშთენილი. ტანსაცმელთ გარდა ყოველნაირი იარაღის კეთებაც აქ იცოდნენ კარგათ და ნამეტურ სახლში საჭირო სახმარი ავეჯეულობის, ქვაბების კეთება, თუნგების, თიხის ჭურჭელი, ხის საჭირო ნივთების და ვინ იცის კიდევ რამდენი რა გინდარის არა. ყველა ამანებით ესენი იყვნენ პირველნი და მერე საქართველოს სხეს კუთხის ქართველნი. ამათგან სწავლობდნენ უკანასკნელნი, პირველობისთვის ამათ ხელს უწყობდა საბერძნეთის და სომხეთის სამზღვრები, მათთან მისვლა-მოსვლა და გონების სიფხიზლე. მაშ რისთვის შენიშენენ ჩვენნი ძველნი მწერალნი მესხებს საბრძნის მოყვარ-მოტრფილეთ! ასე იყო ძველათ კლარჯეთი აღორძინებული და დაწინაურებული, ასევე იყო მასთან მთელი საქართველოს ერთი ამალღებული. რამ ააშენა იმოდენა მონასტერ-ციხე-კოშკ-ეკლესიები, თუ არ ერის საერთო კარგმა ცხოვრებამ და შეერთებულმა მეცადინეობამ...

ზ. ზ.

(შემდეგი იქნება)



ქართლისა და კახეთის სამეფოების პო- ლიტიკური მდგომარეობა

მეფის ირაკლის მეორის დროს.

(დასასრული *)

**მიზეზი, რომელთაც იძულებული ჰყვამ მთავი მთხოვა
რუსეთის მფარველობის ქვეშ უხსვლა.**

ჯერ ისევ უძველესი დროიდგანვე მოსლემანთ ერის მიერ შევიწროებულნი და შეწუხებულნი ქართველთა მეფენი თხოულობდნენ ხოლმე ერთმორწმუნე რუსეთის მეფეებისაგან მფარველობას და შველა-დახმარებას, მაგრამ გადაქრით იმის თქმა კი ძნელია, რომ მათ რაიმე დამოკიდებულობის ქვეშ ყოფნის სურვილი ჰქონოდათ. ეხლანდელი ხელ-შეკრულობა კი გამოწვეულია შემდეგის გარემოებით. ქართლის სამეფო ტახტი, რომელზედაც ერეკლე ნადირ-შაჰის მიერ არს აყვანილი, ეკუთვნის ვახტანგ მეფის ჩამომავალთ, რომელნიც ცხოვრობენ რუსეთში. თავადმა ალექსანდრემ, ბაქარ ბატონიშვილის ძემ, ვახტანგ მეფის შვილი-შვილმა გამართა მიწერ-მოწერა ქართლელ თავადებთან, რომელნიც უკმაყოფილონი არიან მეფე ერეკლისა და დარწმუნდა, რომ მათი შემწეობით შეუძლიან მამა-პაპათა სამეფო ტახტის დაბრუნება და ქართლში გამეფება. ამ განზრახვლებით დასტოვა

*) იხ. „მოგზაური“ 1902 წ. № 3.

ალექსანდრემ რუსეთი და მივიდა იმერეთის მეფე სოლომონ-
 თან, რომ ჯერ ერთი იმიტომ, რომ დაახლოებული ყოფი-
 ლიყო აქედგან თანამოაზრე ქართველებთან და მეორე კიდევ
 იმიტომ, რომ გამოეთხოვა მისგან შველა-დახმარება, რაშიაც,
 რასაკვირველია, მოსტყუვდა. იმერეთიდან ალექსანდრე წა-
 ვიდა ახალციხის ფაშასთან და აქედგან ცდილობდა სპარსეთის
 ხანების შველა დახმარების მიღებას. მეფეს ჰქონდა საფუძვ-
 ლიანი მიზეზი შეჭმინებოდა ქართლის ტახტის დაკარგვას და
 იმ დიდი უბედურობის გამო, რომელიც მოჰყვებოდა ამას;
 მით უფრო საშიში იყო ეს მისთვის, რომ იგი ქართლებს
 არ უყვარდათ, რადგან თავის ეროგულ ქვეშევრდომ კახე-
 ლებს უპირატესობას აძლევდა ყოველისფერში. აი ამიტომ
 მიმართა მან რუსეთის მთავრობას და ითხოვა, რომ რუსეთის
 იმპერატორს ქართლ-კახეთი მიეღო თავის მფარველობის ქვეშ
 და დაემტკიცებინა მისთვის და მის შთამომავლობისათვის
 შეფობა და მით მოესპო ალექსანდრე ბაქარის შვილისთვის
 და მისგვარ ტახტის მაძიებელთათვის ყოველგვარი შეძლება
 წამოდაგებასა. დედოფალი კი აქედგან გამოელოდა თავის
 შვილებისათვის დიდ ბედნიერებას და სარგებლობას და იმი-
 ტომ დასთანხმდა რუსეთთან ხელ-შეკრულობის დადებაზედ.
 (თუმცა ამ ხელ-შეკრულებაზედ ყველანი თანხმანი იყვნენ,
 მაგრამ შემდეგ ყოველიფერში ამტყუნებდნენ მხოლოდ მეფეს
 და საქართველოს ყოველ უბედურობას მარტო მას ახვევდნენ
 თავზედ). თავადებს კი, რომელნიც მეფის რჩევა-თათბირში
 იღებდნენ მონაწილეობას, მარტო თავიანთი პირადი ანგარი-
 შები ჰქონდათ სახეში და არა სამშობლოს სხვა რამ უპირა-
 ტესობა. ანგარიშებით გატაცებულნი, არა ერთსა და ორს
 დღეს ოცნებობდნენ იგინი იმ პირად სარგებლობაზედ, რომელიც
 მათის აზრით მოჰყვებოდა ამას და საზოგადოთ კი
 ყველანი დარწმუნებულნი იყვნენ, რომ მათ ბედი გაუღი-
 მებდა და ხელის გაუქნევლად ოქრო-ვერცხლით გაივსე-
 ბოდნენ.

რა მდგომარეობა დამყარდა საქართველოში ჩვენის ჯარის გამოსვლის შემდეგ.

მთლად ადერბიჯანის ხანებს, თუ გინდ რომ შეერთებული ძალითაც იმოქმედონ მეფის წინააღმდეგ, რაიცა მათი ერთმანეთში უთანხმოების გამო შეუძლებელია, არ შეუძლიანთ დიდი ზარალი მიაყენონ მეფეს და თვით დაღესტანიც მისთვის საშიში არ არის, თუ კი, რასაკვირველია ოსმალეთის მთავრობა არ მოინდომებს საქართველოს დაპყრობას და თუნდ კიდევაც მოინდომოს, ახალ-ციხის ფაშა მას ამის ნებას არ მისცემს, რადგან დიდი ხანია ფიქრობს, თვითონ დამოუკიდებლად გახდომას. მისი საიდუმლოდ მეფესთან პირობის შეკვრა იმის შესახებ, რომ მან იშუამდგომლოს ჩვენ მთავრობასთან მის სასარგებლოდ, ვინიცობაა ჩვენ გავიმარჯვებთ, გვაძლევს მიზეზს ამ ნაირის დასკვნისას.

ძნელი არ არის აგრეთვე მცირელი ფულით დაღესტნელების შეკავება და საქართველოს დაცვა მათის აოხრებისაგან. მეფეს შეუძლიან ჯამაგირით მოიწვიოს იგინი სამხედრო სამსახურში და ამ ნაირი ძალით არამ თუ ადვილად დაიმორჩილებს ადერბიჯანის ხანებს, არამედ ძველებურად დაიმტკიცებს განჯას და ერევანსაც.

იმერეთის პოლიტიკური მდგომარეობა.

განსვენებულ მეფე სოლომონს, ვაჟ-კაცობით და მამაცობით განთქმულს, თავის ხალხის გონიერ მართველს და იშვიათ მეფეს დიდი სურვილი ჰქონდა რუსეთის ტახტის მფარველობის ქვეშ შესვლისა; მას ისეთ ნაირად უყვარდა რუსეთი, რომ მის შესახებ თქმული ცარიელი სიტყვაც კი სიამოვნების გრძნობას გვრიდა მას და მის მთავრობის სულ უბრალო მოხელესაც კი ლებულობდა დიდის პატივისცემით და თავაზით. თუმცა ოსმალეთის მთავრობისა სულ მუდამ

წინააღმდეგი იყო, მაგრამ სულეიმან ფაშასთან კეთილ-განწყობილებაში იყო, რადგან ძველი ჩვეულებით იგი მისგან ნაშვილები იყო. უკანასკნელმა, სულეიმან ფაშის თანხმობით ოსმალეთის ქვეშევრდომ-ოჩარების წინააღმდეგ, გალაშქრება მოუსწრაფა სოლომონს სიცოცხლე, რომლის შემდეგაც აირია იმერეთში საქმეები და გახშირდა შური, მტრობა და სხვა-და-სხვა გვარი უთანხმოებანი.

მეფე სოლომონის და მეფე ერეკლეს შორის ჩამოვარდნილ უთანხმოების და განხეთქილების მიზეზნი იყვნენ სოლომონის ურჩი, გაუგონარი და ველური ზნე-ხასიათის შვილი ბატონიშვილი ალექსანდრე და ამგვარივე ზნე-ხასიათის ძმა მისი არჩილი, რომელნიც იძულებულნი იყვნენ დაეტოვებინათ იმერეთი და ჩამოსულიყვნენ ტფილისში, როგორც ეხლა იმერეთის ტახტის კანონიერმა მემკვიდრემ დავით არჩილის ძემ დასტოვა იმერეთი და თავი შეაფარა ტფილისში, სადაც მეფე ერეკლემ (როგორც ყოველთვის ღებულაობდნენ ხალმე ერთი-მეორის მოწინააღმდეგეებს და მტრებს) მიიღო იგინი თავის მფარველობის ქვეშ. სამაგიეროთ ამისა მეფე სოლომონმა მიიღო ქართლიდგან ლტოლვილი თავადი ერისთვისშვილი, რომელსაც ბრალი ედებოდა მეფე ერეკლის წინააღმდეგ შეთქმულებაში და მიათხოვა მას ქალი და სხვა მრავალნი მეფის მოლალატე თავადნი. აქედგან იწყო მათ შორის უთანხმოების ნაკადულის დენამ, რომელიც არ შეწყვეტილა 1783 წლამდე, თუმცა ბატონიშვილის ალექსანდრეს და არჩილის გარდაცვალების შემდეგ იგინი, როგორც ზემოთაც მოვიხსენიეთ, შერიგდნენ.

არჩილის შვილს დედითურთ (ერეკლეს ქალი ელენე) ჩამორთმეული ჰქონდა იმერეთში საუფლისწულო მამულები. ბოლოს, როგორც იყო მოვარივე ორთავე მხარე. მეფე ერეკლეს შვილის-შვილი დავით არჩილის ძე, ჯერ ისევ შვილად იქმნა აყვანილი სოლომონის მიერ და ტახტის მემკვიდრედ გამოცხადებული. ეხლანდელი მეფეც—მეფე სოლომონის

ბიძაშვილი — დავითიც დაბრუნდა იმერეთში და მიიღო უკან წინეთ წართმეული სოფლები. მეფე ერეკლემაც თავის მხრივ დაუბრუნა ერისთვიშვილს მის ქართლში განთქმულ ქონე-ბიდგან რამდენიმე სოფელი.

სოლომონ მეფის მოულოდნელმა სიკვდილმა ჩაპყარა ქვეყნის წარჩინებულნი საგონებელში ახალი მეფის არჩევის გამო. თავად წერეთელმა (პაპუნამ) თავისთა შორის დიდათ პატივცემულმა და სახელ-განთქმულმა, პირადი ინტერესებით გატაცებულმან, ისარგებლა მეფე სოლომონის სიკვდილით გამოწვეულ სხვათა მწუხარებით და კანონიერი მემკვიდრის, დავით არჩილის ძის, სოლომონის ძმის-წულის მაგიერ, გამო-აცხადა იმერეთის მეფედ თავისი ცოლის ძმა დავით გიორგის ძე, რითაც ჩამოაგდო სამეფოში შინაური განხეთქილება, რომელიც ადრე თუ გვიან უნდა დასრულდეს ერთერთის ტახტის მადიებელის სიკვდილით. თავადი წერეთელი მოს-ტყუვდა თავის პირად ანგარიშებში და ვერ მიიღო ახლად გამეფებულ მეფისაგან, რის მიღებაც მას სურდა მის გამეფე-ბით. ახალგაზრდა მეფე დავით გიორგის ძე ჩაიგდეს ხელში ქართლიდგან დევნილმა ერისთვიშვილმა სოლომონ მეფის სიძემ, დედოფლის დავითის მეუღლის ბიძამ და იქიდგანვე დევნილმა მღვდლის შვილმა ბესარიონმა *) და ნებას არ აძლევენ თავისუფალ მოქმედობისას. ასეთი მათი მეფეზედ ზედ-გავლენა აიხსნება, რასაკვირველია, უფრო იმით, რომ მეფე მეტად ახალგაზრდა, გაუნათლებელი და გაუწვრთნელია, თუმცა კეთილი გულისა და მეტათ მამაცი და გამბედავი. თავადმა ერისთვიშვილმა, მეფე ერეკლის ჯავრის ამოსაყრე-ლად, რომელმაც წაართვა მას მამა-პაპეული მამულ-დედულო, ნება არ მისცა ახალგაზრდა მეფეს დაებრუნებინა მეფე ერე-კლის შვილის-შვილისთვის დავით არჩილის ძისათვის წარ-თმეული საუფლისწულო მამულები, და ნათხოვნი სოფლებით

*) ბესიკმა — გაბაშვილმა.


და ციხეებით დაესაჩუქრებინა წერეთელი იმ ღვაწლის გამო, რომელიც მან გაუწია მეფეს გამოაცხადა რა იგი იმერეთის მეფედ, კანონიერ მემკვიდრის მაგიერ. მეფის ასეთმა საქციელმა იძულებულ ჰყო ახალგაზდა ბატონიშვილი დავითი გარეშე ეთხოვა შველა-დახმარება. მეფე ერეკლემ, ბატონიშვილის დავითის პაპამ, ჩემის თხოვნით, არ მიიღო ამ საქმეში პირდაპირი მონაწილეობა, რადგან შეიძლებოდა ამას გამოეწვია შინაური განხეთქილება და არეულობა; მან მხოლოდ წერილით სთხოვა მეფე დავითს და ურჩია კიდევაც დაეკმაყოფილებინა ბატონიშვილი დავითი საუფლოსწულო მამულეების დაბრუნებით. იმედებ გაცრუებული თავადი წერეთელი გადუდგა მეფეს და მიემხრო ბატონიშვილს დავითს და თავად წულუკიძეებს, რომელნიც უკმაყოფილონი იყვნენ აგრეთვე მეფისა, რადგან მათაც დაჰკარგეს წინანდელი ღირსება და უფლებანი და, მიუხედავად მეფე ერეკლის და ჩემის რჩევისა და ღარიგებისა, ჩამოაგდეს შინაური განხეთქილება. მათ მიმართეს საშველად სულეიმან ფაშას, რომელმაც გაუზზავნა მათ ოსმალები და ლეკები და რომელნიც სრულიად დამარცხებულ იქმნენ მეფე დავითის-მიერ. მოწინააღმდეგეთ მეფემ ჩამოართვა ყველა სოფლები და მამულები. იგინი გამაგრდნენ ერთ მიუდგომელ ციხეში, საიდგანაც ბატონიშვილი დავითი მალვით გაიპარა ახალციხეში და იყო იქ დღევანდლამდე. ჩემი საქართველოდგან დაბრუნების წინეთ იგი გაგზავნილ იქმნა სულეიმან ფაშის მიერ იმერეთში, მხოლოდ დროის უქონლობის გამო ვერ შევიტყე, რა განზრახვით, თუმცა დარწმუნებული ვარ, რომ იგინი ერთმანეთში ვერ მორიდდებიან. *)

*) ეს განხეთქილება დამთავრდა მეფე დავითის ტახტიდან გადაუქცებით და ბატონიშვილის დავით აჩხილის ძის გამეფებით, რაშეღმაც იწყო მეფობა სოლომონ II-ს სახელით. მეფე დავით გიორგის ძემ რამდენჯერმე განიძრახა ახალციხის ფაშის, გურგენი-

ქართლ-გახეთის სამეფოებსა პოლიტიკურა მდგომარეობა 263

სამეგრელოს დადიანი იმერეთის უბრალო თავად ჩიქო-
ვანების გვარიდგანაა; იგი ფეოდალური მფლობელია ისე,
როგორც გურიელი და ვალდებულია ემორჩილოს იმერეთის
მეფეს, მაგრამ მან, როგორც გაუტანელმა და მუხთაღმა
კაცმა, ისარგებლა იმერეთის შინაურის არეულობით და თა-
ვის თავი დამოუკიდებლად გამოაცხადა, რასაც სოლომონ
მეფის დროს ვერ გაბედავდა. მეფე დავითსათვის საჭირო
იყო მისი შევლა-დახმარება და ამიტომ დაუთმო მას თავის
მფლობელობიდან ბევრი ადგილები. დადიანმა მიიღო რა
მეფისაგან ეს ადგილები, გადუღა მეფე დავითს, და მეფე
დავითი, თუნდაც რომ დარჩეს იმერეთის ტახტზედ მოწინაღ-
მდეგ თავადთა დამარცხებით და ძველი ჩვეულებისამებრ მათ-
თან შერიგებით, მეფე ერეკლესთან მაინც არ ექნება კეთი-
ლი განწყობილება, ვიდრე უკანასკნელი არ დაუბრუნებს
თავად ერისთავს წართმეულ სოფლებს; ეს კი ერეკლეს არ
შეუძლიან, რადგან ეს სოფლები და მამულები დიდხანია
უკვე დაურიგა მან თავის შვილებს (ბატონიშვილებს).

ა. ტატუნაშვილი.



ბას და გრიგოლ დადიანის დახმარებით ტახტის დაბრუნება, მაგრამ
ამოდ, იგი გარდაიცვალა ახალციხეში 1795 წ. უგავილისაგან.

ა. ტ.

საქართველოს საეკლესიო ისტორია.

პირველი ქაღატეა ქრისტიანობისა საქართველოში.

პირველი ცნობები მაცხოვრის დაბადების და ტანჯვის შესახებ საქართველოში (ქართლ-კახეთ-იმერეთში) გაავრცელეს ურიებმა (ებრაელებმა). ბაბილონის მეფემ ნაბუქოდონოსორმა (594 წ. ქრისტემდის) დაასახლა ებრაელები თვისი დიდი სახელმწიფოს ყოველს ადგილში, სხვათა შორის, საქართველოშიც, რომელიც კარგა ხანს ემორჩილებოდა ბაბილონს. პირველად ებრაელები იმერეთში (დასავლეთს საქართველოში) დაესახლენ. შემდეგ მცხეთის უფროსი მამასახლისის ნებართვით ისინი დაემკვიდრენ აღმოსავლეთს საქართველოს სოფ. ხერკში და მტკიცე პირობა მისცეს მამასახლისის გადასახადი ყოველ წლივ ერთი ორად ეხანათ და ქალაქებში არ დაბინავებულყვნენ. როდესაც რომის იმპერატორმა ტიტემ (70 წ. ქრისტეს შემდეგ) გაანადგურა იერუსალიმი, ებრაელთა სატახტო ქალაქი, ბევრი ამათვანი საქართველოში გადმოსახლდა. ამასთანავე ესეც უნდა ვსთქვათ, რომ ნაბუქოდონოსორის დროზედ უფრო ადრე ებრაელები დასახლდნენ საქართველოში: ასურეთის მეფემ სალმანასარმა გაჰფანტა ისინი თვისს სამეფოს სხვა-და-სხვა ადგილში და სხვათა შორის—გადასახლა აწინდელს იმერეთში. საქართველოში ურიები ერთგულად იცავდნენ თვისს სჯულს და მოუთმენელად მოელოდნენ აღთქმულს მესსიას. მათ ჰყავდათ აქ თვისი მღვდელ-მთავრები, მღვდლები და მასწავლებლები. იმათ გაამტკიცეს ქართველთა შორის ქართულის ენის საშუალებით ერთ-ღვთაების ჰაზრი. ქართველი ურიები არ იგი-

წყებდნენ თვის დედა-ქალაქს იერუსალიმს და იქაურ მწიგნობრებს და მოძღვრებს. ყოველ შესანიშნავ შემთხვევის და საერო დღესასწაულის დროს ისინი ჰგზავნიდნენ თვის წარმომადგენლებს იერუსალიმში, რომელიც, როგორც საზოგადო სიწმიდე, ერთობის გრძნობით აკავშირებდა მთელის დედა-მიწის ზურგზედ გაბნეულს ებრაელებსა... როგორც მოგვითხრობს ქართული საისტორიო წყაროები, მღვდელ-მთავარმა ანანამ წერილით აცნობა ქართველ ებრაელების მოძღვარს ელიოზს იერუსალიმში აღმოსავლეთიდან მოგვების მოსვლა ქრისტეს თაყვანის საცემლად. იმავე მღვდელ-მთავარმა მოსწერა წერილი ელიოზს, რომლითაც იწვევდა იესო ქრისტეს ტანჯვაში მონაწილეობის მისაღებად... ელიოზს, იერუსალიმს წასასვლელად მომზადებულს, კეთილმსახურმა დედამ—სარამ, რომელიც მოელოდა მესსიას, სულის წმიდის ჩაგონებით, უთხრა, რომ „იესო არის მოლოდინი წარმართთა და ნათელი ისრაილისა“ და ამისათვის სთხოვდა მას, არ მიეღო არავითარი მონაწილეობა იმისს სასჯელში.

ელიოზმა თან წაიყვანა ლონგინოს კარსნელი *) და წავიდა იერუსალიმს. იმას გამოთხოვების დროს დამ სიღონიამ სთხოვა მოეტანა მისთვის რაიმე ნივთი სატანჯველად განწირულის ქრისტესი. ელიოზს, როგორც იტყვის საეკლესიო გარდმოცემა, ხვდა წილად გოლგოთის მთაზედ იესო ქრისტეს კვართი. ქართველი ებრაელები დარჩნენ იერუსალიმში მეერგარის (Пятидесятница) დღესასწაულამდის, როდესაც იერუსალიმს შეგროვილს მოწაფეებზედ გადმოვიდა სული წმიდა და მათ დაიწყეს სხვა-და-სხვა ენაზედ უბნობა...

ექვს გარეშეა, რომ ქართველი ურიები აქ შეიტყობდნენ მას, რომ საქართველო ქრისტიანობის საქადაგებლად წილად ხვდა იესოს დედას ქალწულს მარიამსა. ელიოზი და ლონგი-

*) კარსნა ახლა ჰატარა სოფელია აკმაზის მთის ახლოს. ის დღემდეცან სჩანს.

ნოსი და შათთან ერთად წასული სხვა ქართველი ურიები დაბრუნდნენ საქართველოში და ქართველს ერს მოუტანეს უძვირფასესი განძი საქრისტიანოსი, — კვართი იესო ქრისტესი და ამბავი იესოს აღდგომის, ამალღების, სულიწმიდის მოსვლის და საქართველოს ღვთის-მშობლის წილად ხდომის შესახებ. ელიოზს მცხეთის ახლოს მიეგება დაჲ სიღონია და აუწყა მას დედის გარდაცვალება. მართლაც, როგორც იტყვის საეკლესიო გარდმოცემა, ელიოზის დედა პასექის დღესასწაულის წინ პარასკევს, სწორედ იმ დღეს, როდესაც იესო ქრისტე ჯვარს აცვეს, გარდაიცვალა ამ სიტყვებით: „მშვიდობით, მეფობავ ურიათაო, რამეთუ მოჰკალით მაცხოვარი თავისა თქვენისა და მხსნელი და იქმნენით ამიერითგან მკვლელ და მტერ შემომქმედისა: ვაჲ, თაკსა ჩემსა, რომ არ მეუფლა (არ მეწია) უწინარეს ამისა სიკვდილი, რათამცა არღარა სმენილ იყო ყურთა ჩემთა და არცა-ღა შემდგომად ამისა ღირს ვიქმენ ხილვად (დანახვად) ნათლისა წარმართთა ზედა და მშვიდობა ისრაილისა“... სიღონიამ გამოართვა ძმას უზომო სიხარულით უფლის კვართი, მიიკრა ის გულზედ და უეცრად სული განუტევა... ვერას გზით ვერ გამოაცალეს კვართი სიღონიას. მაშინდელი საქართველოს სატახტო ქალაქის მცხეთის და მის მიდამოებში მცხოვრებნი შეგროვდნენ იმ ადგილს, სადაც გარდაიცვალა სასწაულებრივ სიღონია; აქვე მოვიდა ქართველთა მეფე ადერკი ანუ ფარსმანი (2 წ. ქრისტემდის—55 წ. ქრისტ. შემ.). ხალხი ბევრს ეცადა წაერთმია სიღონიასათვის კვართი, მაგრამ ვერ შესძლო... უეცრად გაირღვა მიწა, რომელმაც შთანთქა სიღონია კვართითურთ. ნეტარი სიღონიას გარდაცვალების ადგილს ამოვიდა კვიპაროსის ხე, რომელიც შემდგომი განდა ქრისტიანობის ბურჯად საქართველოში. აქამომდე მცხეთაშია ამ ხის ფესვთა წიაღში კვართი უფლისა... *) ქართველთა ხალხმა ეს სასწა-

*) ბ. ანტ. ნატრაშვილის რუსულს წიგნში: „Святи-Цхо-

ულებრივი შემთხვევა დასახა თავისი ბრწყინვალე მომავლის წინადად, შეადგინა თქმულება ამის შესახებ, რომელიც ჩამომავლობითგან ჩამომავლობას გარდაეცემოდა, როგორც ძვირფასი საეროვნო საუნჯე. საეკლესიო გარდმოცემა მოგვითხრობს, რომ სული-წმიდის მოფენის შემდეგ, იესოს მოციქულებმა და მათთან ერთად ღვთის-მშობელმა ჰყარეს წილი იმის შესახებ, თუ ვის რომელი მხარე შეხვდებოდა ქრისტიანობის საქადაგებლად... ღვთის-მშობელს წილად ხვდა ივერია ანუ საქართველო. მაგრამ თვისს მაგივრად ღვთის-მშობელმა გამოგზავნა საქართველოში წმ. მოციქული ანდრია პირველწოდებული, რომელსაც მან მისცა თავისი ხატი... თქმულება იმის შესახებ, რომ საქართველო წილად ხვდა ღვთის-მშობელს, ფრიად გავრცელებული იყო ქართველთა შორის. თითოეული ქართველი კეთილშობილურად თავს იწონებდა იმითი, რომ მისი სამშობლო „ღვთის-მშობლის“ ხვედრად, მხარედ ითვლებოდა.

წმ. ანდრია პირველწოდებულმა, როგორც მოწმობს ქართული და ბერძნული საისტორიო ნაწერები, იქადაგა ქრისტიანობა შავი ზღვის ნაპირა ქვეყნებში, სხვათა შორის, პონტოში, სკვითიაში და აფხაზეთში (დასავლეთ საქართველოში); განსაკუთრებით დიდი ყურადღება მიაქცია წმ. მოციქულმა სევასტოპოლის ქალაქს, რომელსაც ძველად „დიოსკურია“ ერქვა და აწინდელის სოხუმის ახლოს მდებარეობდა. იგი ქართველთა მეფის ფარსმანის დროს მოვიდა ტრაპიზონს და აქედან ქართლის ქალაქს დიდ-აჭარას, რომლის მცხოვრებნი მოაქრისტიანა. ამ ქალაქის მიდამოებშიაც იქადაგა მან ქრისტიანობა, აღუშენა ახლად მოქცეულებს ღვთის-მშობლის სახელზე ტაძარი და დაუნიშნა მღვდლები...

ВЕЛИ“ ვრცლად არის განმარტებული უფლის კვართის შესახებ მოთხრობა. ამავე წიგნში დამტკიცებულია საფუძვლიანად ჭეზრი, იმის შესახებ, რომ ეს კვართი საქართველოდგან არავის გაუტანია.

აქედან წამოსულმა წმ. ანდრიამ ერთს მთაზე აღმართა რკინის ჯვარი, რის გამო ამ მთას რკინის ჯვარს ეძახიან აქამომდე. სამცხის სოფ. ზადენ-გორაში მან ნახა გაძლიერებული კერპო-თაყვანის-მცემლობა, თვით სოფლის სახელი უჩვენებს, რომ მის მთაზე აღმართული იყო ზადენის კერპი, რომელსაც საქართველოში თაყვანს სცემდნენ *). ამ მხარეშივე აწყურის ახლოს წმ. მოციქულმა აღადგინა მკვდრებით დედოფლის სამძივარის ერთად-ერთი შვილი. ამ სასწაულის ზედ-გავლენით სამძივარმა, მისმა შვილმა და ხელქვეითმა ხალხმა მიიღეს ქრისტეს სარწმუნოება. ქრისტიანობა მიიღეს ადგილობრივ კერპების არტემიდას და აპოლონის ქურუმებმაც, რომელთაც გაუკვირდათ შემდეგი სასწაულებრივი შემთხვევა, რომლის შესახებ თქმულებაა ქართულს მწერლობაში. ამ კერპთა ტაძარში დასვენებულ იქმნა ღვთის-მშობლის ხატი. ტაძარი ქურუმებმა დაკეტეს და შიგ არავის უშვებდნენ. ერთს დილას ქურუმები შევიდნენ და კერპები დამსხვრეული დაინახეს; ღვთის-მშობლის ხატი კი თვისს ადგილს იყო დასვენებული და საუცხოვოდ ბრწყინავდა. ამ სასწაულმა დაარწმუნა ქურუმები კერპების უძლურებაში და ისინი მოინათლნენ. წმ. ანდრიამ აწყურში დაარსა სამღვდელ-მთავრო კათედრა, რომლის ტაძარში დასვენებულ იქმნა მისგან საქართველოში მოტანილი ხატი ღვთის-მშობლისა. აწყურიდან წმ. ანდრია ქრისტიანობის საქადაგებლად წავიდა ნიგლას, არტაანს და კოლას, აქედან კლარჯეთს და კლარჯეთიდან იერუსალიმს პასექის დღესასწაულზე დასასწრებლად... საქართველოში ანდრია მოციქული რამდენისამე წლის შემდეგ კვლავ დაბრუნდა და თან მოიყვანა წმ. მოციქულები: სიმონ მოშურნე (კანანელი), მატათა და თადეოზი. წმ. ანდრიამ გამოიარა აწინდელი გამაჰმადიანებული საქართველო, გურია, სამეგრელო და შევიდა სვანეთში, რომლის დედო-

*) იხ. ქვემოთ „წმიდა ნინო“.

ფაღმა მიიღო ქრისტიანობა... აქედან წმ. მოციქული აფხაზეთს გადავიდა, სადაც იმ დროს ესახლა მეგრელთა ტომი, რომელიც ფრად გავრცელებული იყო ძველ დროში შავი ზღვის ნაპირებზე თვით ტრაპიზონამდის. მეგრელების მეზობლები იმ უამად, ჩრდილოეთ-დასავლეთის მხრით, აფხაზთა ტომი იყო, რომელიც შემდეგში მოაწვა მეგრელებს, შეავიწროვა ისინი და თვით დაისაკუთრა მათი სამშობლოს თითქმის ნახევარი მიწა-წყალი (მე-II საუკ. ქრისტეს შემდეგ). მეგრელთა ქალაქი იყო იმ დროს სევასტოპოლი (დიოსკურია), სადაც კარგა ხანს ჰქადაგებდა ქრისტიანობას წმ. ანდრია... ამანვე, როგორც იტყვის გარდმოცემა, დაამხო კერპები და შემუსრა საკერპო აწინდელს მარტვილში, სადაც იდგა ერთი საღმრთო მუხა, რომელსაც ერქვა ჭყონი დიდი (მუხა დიდი)... აქ წმ. მოციქულმა დაამყარა ქრისტიანობა. მთელმა დასავლეთის საქართველომ მიიღო ქრისტიანობა წმ. ანდრიას და მის შემდეგ უახლოეს დროს. დიდი სამსახური გაუწიეს საქართველოს ეკლესიას იმ თავითვე დასავლეთის ქართველებმა, — დასავლეთის საქართველოს მთავარ-ეპისკოპოსი, ჭყონ-დიდლად წოდებული, მეთერთმეტე საუკუნემდის ითვლებოდა მთელი ამ მხრის კათალიკოსად და დამოკიდებული იყო კონსტანტინეპოლის პატრიარქისაგან... დასავლეთის საქართველოს ქართველნი ძველთაგანვე გახდნენ ერთგულ მესვეურებად სახარების სწავლისა, — მათი მღვდელ-მთავრები ცნობილნი არიან მსოფლიო ეკლესიის ისტორიაში, — ისინი მსოფლიო მღვდელ-მთავრებთან ერთად მონაწილეობას იღებდნენ ამ ეკლესიის ცხოვრების სხვა-და-სხვა საკითხის გადაწყვეტაში და ესწრებოდნენ მსოფლიო კრებებსა. დასავლეთ საქართველოდამ წმ. ანდრია პირველ-წოდებული და სიმონ კანანელი გადავიდნენ ჯიქეთში; მატათა კი დარჩა სამეგრელო-სვანეთში. ჯიქეთის მკვიდრთ არ მიიღეს ქრისტიანობა. — წმ. ანდრია დაბრუნდა სამეგრელოშივე და აქედამ ოსეთში გაემგზავრა სვანეთის გზით. სიმონ კანანელი კი აფხაზეთში დარჩა და აქ

მოღვაწეობდა. ოსეთიდან წმ. ანდრია პირველ-წოდებული მივიდა ფასტაფორს, — შემდეგ კი — ბოსფორში, სადაც ბევრი ხალხი მოაქრისტიანა. ბოსფორიდან თეოდოსიის ქალაქს მივიდა (ყირიმში), სადაც მეფედ იყო სავრომატი, იქადაგა ქრისტიანობა ხერსონესშიც. — აქედან წმ. მოციქული, რუსეთის ეკლესიის გარდმოცემის თანახმად, დნებრის მდინარეს აპყვა და იქადაგა ქრისტიანობა რუსეთის სამხრეთ ნაწილში, ესრეთ წოდებულს სკვითიასა და სარმატიაში. წმ. ანდრიამ მიიღწია აწინდელს კიევამდის; აქ ერთს მთაზედ აღმართა ხის ჯვარი და წინასწარ თქვა, რომ აქაურს მთებს გამოუბრწყინდებაო საღმრთო მადლი. შემდეგ წმ. მოციქული ახაიის ქალაქს პატრასში მივიდა, სადაც ჯვარცმულ იქმნა. წმ. ანდრია პირველ-წოდებულმა დააარსა საქართველოს ეკლესია. წმ. გიორგი მთაწმინდელი, ქართველთა შესანიშნავი მოღვაწე, ამტკიცებს საქართველოს ეკლესიის დაარსებას წმ. ანდრიას მიერ და ამ ეკლესიას სთვლის სამოციქულო ეკლესიად.

ამავე ჰაზრს გამოსთქვამს რუის-ურბნისის კრება, წმ. მეფის დავით აღმაშენებლის-მიერ მოწვეული 1103 წელსა, შემდეგ სიტყვებში: „ზარეულ-წოდებული ანდრია, ძმა ზეტრეის, ვიდრე ჩვენდამდეცა მოიწია და ქადაგა... სცხფრებელი ქადაგებას ხსარებისა უოველსა ქვეყანასა საქართველთასა და ურბნისნი სომჯაღენი ერთანი განაშორა სცთურისაგან მრჩობლ ეშმაკეულებისა“.

ზოგიერთი მებისტორიენი (მარრი, ჯავახიშვილი) უარს ჰყოფენ საქართველოში წმ. ანდრია მოციქულისაგან ქრისტიანობის ქადაგების შესახებ თქმულებას და სთვლიან მას განძრახ შეთხზულად — ქართველი მოღვაწეების-მიერ სხვა-დასხვა მიზნის მისაღწევად... ამ მებისტორიეთ ჰაზრი შესაწყნარებელი არაა. ცნობებს, დასარღვევად იმათის ჰაზრისა, ამოგკრებთ რუსთა შესანიშნავი საეკლესიო მებისტორიების მაკარის და გოლუბინსკის თხზულებებიდგან... ჩვენ ვთვლით ნამდვილ ისტორიულ ჭეშმარიტებად იმ თქმულებას, რომელიც უჩვენებს წმ. ანდრიას მოციქულბობის მოღვაწეობას ძველს



სკვითაში (ეხლანდელი ნოვოროსისის მხარე), ძველს სარმატიაში (აწინდელი კავკასია) და ძველს ივერასს, კოლხიდას და აფხაზეთში (ამიერ-კავკასიის მხარე). ამ ჰაზრის დასამტკიცებლად შეგვიძლია წარმოვადგინოთ ძველთა მწერალთა მოწმობანი. ორი ამ მოწმობათაგანი ეკუთვნის მესამე საუკუნის დასაწყისს და თვით მოციქულთა დრომდის მიღწევს... ერთი მათგანი ეკუთვნის წმ. იპოლიტეს, პორტუგენის ეპისკოპოსს (222 წ.), რომელიც წმ. ანდრიას შესახებ ამბობს, რომ „სკვითასს და ფრაკიაში იქადაგაო ქრისტიანობა“. ამასვე მოწმობს შესანიშნავი ორიგენი (200—254)... წმ. დოროთეოსი, ტიროსის ეპისკოპოსი (307—322), სწერს შემდეგს წმ. მოციქულის ანდრიას შესახებ: „ანდრამ, ჰეტრე მონიქულის ძმამ, გაიარა ქადაგებით ბითანას, თრაკიას და სკვითას; შემდეგ მიადწია დიდს სევესტაზოსს (სოხუმის ახლოს), სადაც არის ციხე აფსარა და მდინარე ფაზასა (რიონი), რომლის ნაპირებზედ სცხოვრობენ შინაგანი ეთიოპელები... აქედან ცხადად სჩანს, რომ წმ. ანდრია მოციქულმა იქადაგა ქრისტიანობა აფხაზეთში, სადაც იყო ქალაქი სევესტაპოლი (დიოცურიალ წოდებული)... ჩვენ ჩვენის მხრით დავსძენთ, რომ კოლხიდას, სადაც წმ. დოროთეოსის მოწმობით, ქრისტიანობა იქადაგა წმ. ანდრია მოციქულმა, ძველი მწერლები უწოდებენ მეორე ეთიოფიას (შინაგანს ეთიოპიას *). დოროთეოსის თხზულება მოციქულთა შესახებ დამყარებულია ძველს ბერძნულს და ებრაულს საბუთებზედ. ვისაც საეკლესიო მიაჩნია **) დოროთეოსის თხზულება, შეუძლია მიმართოს კვიპროსის ეპისკოპოსს ენიფანესს († 403 წ.), რომელიც იმასვე ამბობს წმ. ანდრია მოციქულის ქადაგების შესახებ,

*) მაკაღ. შწერალი სოფრანი (Крат. ист. Груз. п. Иоселиани, стр. 3).

**) ამ თხზულებას საეკლესიო სთვლიან რომის ეკლესიის წარმომადგენლები, მაგრამ ამასთანავე დასძენენ, რამ ეს თხზულება დაწერილია მეხუთე საუკუნის გასულს.

რასაც ამბობს დოროთეოსი. სოფრონი († 390) ამბობს წმ. ანდრიას შესახებ შემდეგს: „წმ. ანდრიამ იქადაგა ქრისტიანობა დიდს სეგასტანოვში, სადაც აჩის ციხე აფსანი და მდინარე ფაზისი (რიონი), რომლის ნაპირებზედ სცხოვრობენ შინაგანი ეთიოპულები. ნიკიტა პაფლაგონელი († 873 წ.) იმეორებს მას, რასაც იმის წინაჲდ მცხოვრები მწერლები ამბობენ წმ. ანდრიას ქადაგების შესახებ საქართველოში. აი შესხმა, რომელსაც იგი უძღვნის ამ მოციქულს: „შენ, ღირსო სრულის ჩემის თაყვანის-ცემისა, ანდრია, რომელსაც წილად გხვდა ჩრდილოეთი, უერთგულესად მოვლე ქვეყნები ივერთა, სავრომატთა, ტავრთა და სკვითთა და გაიარე ყველა ოლქები და ქალაქები, რომელიც ჩრდილოეთით და სამხრეთით არა ტყავს შავს ზღვასა“ *).

ასეთის საბუთების შემდეგ დიდს სითამამედ მიგვაჩნია უარყოფა წმ. ანდრიას-მიერ ქრისტიანობის ქადაგებისა საქართველოში, განსაკუთრებით მისს დასაველეთს ნაწილში, რომელიც ძველად ტრაპიზონის ქალაქამდის მიღწევდა... ამის გამო საქართველოს ისტორია ვერ უკუაგდებს მოთხრობას წმ. ანდრია მოციქულის ქადაგების შესახებ ქართველთა შორის, თუნდ ეს თქმულება ერთს მხოლოდ საეკლესიო გარდმოცემაზედაც იყოს დამყარებული... მით უმეტეს ვერ უკუაგდებს მას მაშინ, ოდეს მას ზემოდ მოყვანილი უტყუარი საბუთები ექნება... პლატონ იოსელიანის სიტყვით, წმ. ანდრიას ქადაგების შესახებ საქართველოში მოწმობდა ერთი სპარსულს ენაზედ დაწერილი ამ მოციქულის ცხოვრების აღწერა, რომელიც თვალთ უნახავს მას 1834 წელსა პეტერბურღში მეფის ძის ბაქარისას **).

*) მართლაც შავი ზღვის ნაპირები ხვდა წმ. ანდრიას წილად ძველთა თქმულებათა თანახმად (Голубинский, т. I, 5).

**) Жизнеописание святыхъ грузинской церкви, 1850 г. стр. 6.



წმ. ანდრია პირველ-წოდებულის († 55 წ.) გარდა საქართველოში ქრისტიანობა იქადაგა წმ. მოციქულმა სიმონ კანანელმა (მოშურნემ), რომელიც თან გამოჰყვა წმ. ანდრიას საქართველოში. ხსენებულმა მოციქულმა დიდი ღვაწლი დასდო დასავეფეთ საქართველოს მოქრისტიანებას. მის ადგილ-სამყოფელი იყო სევასტის ქალაქი (სოხუმის ახლოს). საქართველოს დასავლეთს ნაწილში იქადაგა ქრისტიანობა აგრეთვე წმ. მოციქულმა მატათამ, რომლის შესახებ ნეტარი იერონიმე იტყვის, რომ მან იქადაგაო ქრისტიანობა „მეორე ეთიოპიაში“. მეორე ეთიოპიას ძველი მწერლები (მაგალ. სოფრომი) კაჟხიდას (დასავლეთს საქართველოს) უწოდებდნენ... მაგრამ მალე დაუწყო საქართველოს მმართველობამ ქრისტიანობას დევნა. მეფე ადერკი († 55 ქრისტ. შემდ.) დიდი მეგობარი იყო რომის ხელმწიფის ნერონისა, რომელიც მრისხანედ სდევნიდა ქრისტიანობას. ადერკიმაც საქართველოში დაუწყო დევნულება ქრისტიანებს. ამ დევნულების მსხვერპლი შეიქმნა წმ. მოციქული სიმონ კანანელი, რომელიც მოკლულ იქმნა აფხაზეთში (მაშინდელს სამეგრელოში) და დაფლულ იქმნა მორწმუნეთაგან ნიკოფსიაში, იქ, სადაც დღეს აღშენებულია ამ მოციქულის სახელზედ ახალ-ათონის მონასტერი, ქალაქ სოხუმის ახლოს. წმ. მოციქულის მატათას შესახებაც იტყვია (მ. საბინინი), რომ ისიც წამებულ იქმნაო ადერკი მეფის დროსვე სვანეთში. წმ. ბართლომე მოციქულიც წამებულ იქმნა ამავე დროს ალბანიაში. ზოგიერთნი წმ. ბართლომენ საფლავს უჩვენებენ დიდ სომხითის ქალაქს ალბანოპოლში (ბაქოში)... მაგრამ ესეც უნდა ვთქვათ, რომ თქმულება ბართლომეს ქადაგების შესახებ ალბანიაში საექვოდ მიჩნეულია*). სახარების სწავლამ თვისი გავლენა იქონია ქართველებზედ... ქრისტეს შემდეგ პირველ საუკუნის გასულს აღს

*) Ист. Арм. церкви А. Аннинский, стр. 5.

ბანიაში (კახეთი) წამებულ იქმნენ ხრისო და ოთხი მიწი მოწაფე. ხოლო სუქიოს და მისი თვრამეტი მოწაფე განაგრძობდნენ ხრისოს ღვაწლსა ალბანიაში. ალბანიის მეფემ დატიანოსმა უბრძანა მთავარსა ბარლაზას მოსძებნოს სუქიოსი და მისი მოწაფეები. ამ მეფეს სურდა მოესპო ქრისტეს სარწმუნოება თვისს სამეფოში და ამიტომ განიძრახა ძალა დაეტანებინა მათთვის და ეთქმევინებინა უარი ქრისტეზედ. ბარლაზამ მოსძებნა წმიდანნი, რომელნიც მყუდროებით სცხოვრებდნენ სუკაკეტის მთაში სოფლის ბაგრეჯანდის ახლოს და უბრძანა მათ დაბრუნებულიყვნენ მეფესთან და მიეღოთ წინანდელი თანამდებობანი. მაგრამ მათ უარ-ჰყვეს საამქვეყნო პატივი და დიდება. განრისხებულმა ბარლაზამ უბრძანა ჯარის კაცებს თითოეული მათგანი მიეკრათ ოთხი მანასთვის (პალო, მომცრო მარგილი), მოეტანათ შეშა და ცეცხლით დაეწვათ... მათ რიცხვში გამოირჩეოდა წმ. კოდრატოსი. ამ მოწამეებს უწოდებს საქართველოს ეკკლესია „სუკაკეტელებს“ (სუკაკეთის მთას მცხოვრებნი) და მათ ხსენებას იგი პატივსა სცემს თხუთმეტს აპრილს *).

ზოგიერთი წმ. მამებიც შრომობდნენ საქართველოში ქრისტიანობის დასაყარებლად... წმ. კლიმენტოსი, რომის ეპისკოპოსი (100 წ. ქრ. შემდ.) განდევნილ იქმნა მეფის ტრაიანეს-მიერ ხერსონის ქალაქში, რომელიც შავის ზღვის ნაპირს მდებარეობდა; აქედგან მას დიდი გავლენა ჰქონდა კოლხიდელებსა და იგურიელებზედ (აღმოსავლეთის და დასავლეთის ქართველებზედ **). წმ. კლიმენტოსმა კაპადუკიაში დაარსა ასი ეკკლესია... წმ. იოანე ოქროპირს, ტრაპიზონის

*) მათი ცხოვრება აღწერილია მ. საბინინის „საქართველოს სამთხუთმეტის“.

***) ირინეი, ბარანი (Кратк. ист. Груз. ц. Иоселиани, стр. 7—8).

ეპისკოპოსების ფილოლოგს, ფოტის, მელეტის, ანსიკრიტს, ვასილი დიდს და გრიგოლ ღვთის-მეტყველს, თვისის წმიდა ცხოვრებით და მოღვაწეობით დიდი გავლენა ჰქონდათ ქართველებზედ. რომ დასავლეთს საქართველოში მეორე საუკუნეში ქრისტეს შემდეგ ქრისტიანობა გავრცელებული იყო, ეს მტკიცდება იმითი, რომ კოლხიდის მღვდელთმთავრის პალმის ძე მარკიონი სწორედ ამ დროს სცხოვრებდა და ითვლებოდა მწვალებლად, რომელსაც თავისებურად ესმოდა იესო ქრისტეს მოძღვრება. ნეტარი იერონიმე მარკიონის სამშობლოს უჩვენებს კავკასიაში .). ზოგიერთი ეპისკოპოსები კოლხიდისა და მის ახლოს მდებარე ქვეყნებისა მონაწილეობას იღებდნენ მსოფლიო ეკლესიის საქმეების შესახებ მსჯელობაში, მაგალითად, იპატი, სტრატოფილი, ეპაციანე და სხ... წმ. დიდი მოწამის გიორგი კაპადუკიელის მოწამებრივს სიკვდილს (III საუკუნეში) ფრიად დიდი გავლენა ჰქონდა ქართველებზედ. კაპადუკიაში სხვათა შორის სცხოვრობდნენ ქართველებიც მეგრელთ ტომისა, და წმ. გიორგიც უეჭველად იმათს ტომს ეკუთვნოდა. მეზობლად მცხოვრებმა ერმა სომხითისამ თითქმის ქართველებთან ერთ დროს მიიღო ქრისტიანობა და ამ გარემოებასაც ჰქონდა საკეთილო გავლენა ქართველთა შორის ქრისტიანობის გავრცელების საქმეზედ.

მეოთხე საუკუნის დასაწყისში ქრისტეს შემდეგ საქართველო რომის ხელმწიფეს ემორჩილებოდა. რომის ხელმწიფე ნიზიბიის ხელშეკრულობის ძალით, რომელიც მოხდა ხსენებულს საუკუნის დასაწყისში, ვალდებული იყო დაენიშნა საქართველოს მეფეები; სომეხთა მეფის თრდატის ასული სალომე ცოლად ჰყავდა საქართველოს მეფის მირიანის ძეს რევსა, რომელიც კახეთის მეფედ ითვლებოდა. სპარსნიც მტრობას არ უწევდნენ მირიანს, რომელიც სპარსეთის მე-

*) იქვე... გვ. 8.

ფის ძე იყო. ესრედ ყოველივე უწყობდა ხელს საქართველოში ქრისტიანობის დამყარებას. ბერძენთა, ქართველთა და სომეხთა შორის პოლიტიკური ერთობა არსებობდა... ქართველს მეფეებს თვისს მეგობრებად სთვლიდნენ რომის ხელმწიფენი. ამის გამო, სანამ რომის სახელმწიფოებში სდევნიდნენ ქრისტიანობას, საქართველოშიც მკვიდრად ვერ მოიკიდა მან ფეხი. როდესაც რომის ხელმწიფემ კონსტანტინე დიდმა ქრისტიანობა სახელმწიფო სარწმუნოებად გამოაცხადა (313 წ.), საქართველოშიც ამის შემდეგ მალე დამკვიდრებულ იქნა ქრისტეს სარწმუნოება. მეფე მირიანი საქართველოსთვის იგივე იყო, რაც წმ. კონსტანტინე მთელის რომის სახელმწიფოსთვის. ამის გამო მირიანს საქართველოს ეკლესია უწოდებს მოციქულთა სწორს წმ. მეფეს.

ილ. ფერაძე.

(შემდეგი იქნება).

